




國權

起天啟六年盡七年八月



丙寅天啟六年

正月乙巳朔周應秋為左都御史起岳和聲右僉都御史巡撫

順天

己酉 御史方震孺永戎

壬子 逐外戚新城侯王昇

癸丑 陞卿榮為右僉都御史巡撫浙江 夏居未任

工部 蕙太僕少卿曹欽程削籍所領陵工神本廠銀筭
訖許歸刑科給事中潘士聞論其不簡敗郡也士聞與欽程
同門

談遷曰潘士聞非稱端謹猶以曹氏為不簡敗群則欽程
之穢擢髮難教矣

丙辰工部尚書苗克績罷克績八旬重聽魏忠賢侮之

左副都御史徐大化論提督九門主事呂一奏徐州管倉主
事張璇九江鈔關主事王行儉北新關員外郎馮士杰并請
毀李三才張雲翼毛士龍生祠

工部員外郎劉鱗長削籍以奔競也

吏部奏起前遼東招練副使劉國縉以糜帑被論不許

已未諭內閣曰 皇祖早建元良式瑞國本父慈子孝原無

間然而奸人王之寀翟鳳翀何士晉魏光緒魏大中張鵬雲

等乃借挺擊以要首功我 皇考因哀得疾純孝彌彰奸人

孫慎行張問達薛文周張慎言周希令沈惟炳等乃借紅丸

以快私怨迨朕續緒正統相傳奸人楊漣左光斗惠世揚周

朝瑞周嘉謨高攀龍等又借移宮以貪定策之勲而希非望

之福將馮几之遺言委諸草莽以待封之宮眷視若寇仇臣

子之分謂何敬忠之義安在幸天矜朕哀仰承 先志康妃

皇妹恩礼有加凡三案被誣者皆次第賜環布列有位嘉言

罔伏朝政肅清特允部院科道之請命史臣編輯成書徵明
倫大典故事輔臣少師顧秉謙丁紹軾太子太保黃立極馮
銓為總裁禮部左侍郎施鳳來右侍郎楊景辰詹事 姜逢
元 曾楚卿副之戶部左侍郎徐紹吉左僉都御史謝
啟光修撰余煌編修朱繼祚張紳華琪芳吳孔嘉簡討吳士
元楊世芳纂修中書舍人喬煒秦之垣李相騰錄擇庚午開
館名三朝要典

甲子尚書司少卿范鳳翼大理寺丞姜習孔吏科右給事中
孫紹統戶部郎中吳鳴虞主事傅梅並以邪黨削籍御史魯
應瑞論之

薛鳳翔為工部右侍郎

戊辰張樸為兵部左侍郎兼右僉都御史總督宣大山西

陳廉以失儀削籍

己巳閻鳴泰以原官兼右僉都御史整飭薊鎮遼備巡撫順
天

金師合蒙古渡河五六萬騎攻寧遠副使袁崇煥倡總兵滿
桂叅將祖天壽副總兵朱梅等力禦之連發西洋砲相持三
日夜敵氣沮退走灰山斬二百六級初敵勢張甚人心惶駭
欲遁自崇煥堅拒氣始振關外九城屹然拱護山海
大學士周如磐卒

吏部

夏之令卒於獄

二月甲戌朔

丙子御史高弘因言京師方設請暫停營建不許

李春燁郭允厚為兵部左右侍郎郭允厚添注右侍郎時推
斬於中閔洪學不允

己卯兩廣總督苗周祚言禮部以各省提學關防篆犯御名
改鑄惟江西山東山西未換今廣東亦應改鑄從之

御史石三畏削籍以條議輕率荐奉失當罪之

禮科給事中李恒茂削奪官誥疏內悞山西為山東
申申寧遠獻捷

己丑前太常少卿曾汝召參政魏士前及前降編修方逢年

章允儒簡討顧錫畴丁軋學給事中熊奮渭却土膏章允儒

主事李繼貞並削奪官誥土膏仍追贓南京 御史徐

復陽所劾

御史田唯嘉違限三月餘削籍

庚寅奪故太常寺少卿鮑應鰲贈光祿寺卿故太僕寺少卿

陳大綬贈光祿寺卿亦徐復陽疏絕黨根也

廕魏忠賢都督僉事仍宣付史館工部左侍郎崔呈秀言其

觸事懷忠也

辛卯前御史張慎言坐監守自盜永成肅州衛從山西巡撫

柯景之誡

談遷曰曹欽程之誣陷諸君子也俱下詔獄死獨張侍御
就訛撫按或功其將赦自隨不之聽陽城令擬點戍補伍
之日不得家別一觸嚴網殆無人理嗚呼罪疑維輕侍御
殆不幸之幸也

逮前 御史周宗建左諭德繆昌期

李思誠為禮部尚書董可威為工部尚書畢自嚴為南京戶
部尚書張鶴鳴為南京工部尚書仍太子太保

癸巳故廣南知府周維翰贈叅政以家人瘞沒撫按閱之請
卹

戊戌孫杰為工部右侍郎協理殿門工程

御史倪文煥疏中外諸臣助餉

海運通判吳世科以千金寄弟中書舍人之瑞事發並戍

來宗道為南京禮部尚書詹事府禮部尚書錢象坤罷

起許弘綱南京兵部尚書

癸卯郭鞏為大理寺少卿

是月攻覺華島焚右屯共燬糧七十萬石總兵楊麒不救島

將姚與賢李士登王錫斧王鰲李一葵張其性翟繼臯徐國
蕃金士騏俱敗沒

三月甲辰朔遼東總兵楊麒削籍山海關主事陳祖苞免工部

左侍郎崔呈秀論麒麟樓不前祖苞科索取怨

東廠獲遼人武長春云娶前南京禮部郎中洪敷教女月餘
女夭繼李永芳女入京窺伺遂重論長春實狎使李鳳見爭
之見誣敷教後推保定守不許敷教辨其非壻不過以遼宦
僅一人祈緩死耳

逮應天巡撫右僉都御史周起元前吏部員外郎周順昌左都
御史高攀龍御史李應昇黃尊素浙直織造太監李實參其
邪黨貪婪也實迎魏氏意空奏印入其黨劉若愚草上株及

松江知府張宗衡同知孫應崑

丙午經略兵部尚書高第引疾免

戊申太子太保左都督魏良卿封肅寧伯世襲賜誥券

磔武長春

諭內臣出鎮司禮太監劉應坤鎮守山海關御馬太監陶文
紀用協守御馬監太監孫茂霖武俊王蒞朝分守中軍並駐
山海關時閣臣進揭兵部尚書王永光特疏吏部尚書王紹
徽等公疏止之丁紀軾上言不可以為分將吏之精神害一
掣戰守之肘害二文武相害陰嗾鼓噪害三且太祖禁內臣
不得典兵世宗罷除鎮守今何遣也 上覽之心動欲寢而
首揆意右內臣工科給事中虞廷陞入內閣工魏忠賢問閣
部云何各相顧未發馮銓曰 上意已決即行何害

庚戌表崇煥為右僉都御史巡撫遼東山海
廕魏忠賢都督同知時有質蟻幣於外戚王仲良者厥校索
之不得逮械死

辛亥劉志選為順天府丞

己未前左都御史高攀龍卒無錫人萬曆己丑進士闕達寫
遺表固緘囑子世儒事急啓之詒家人寢丙夜整衣冠投于
園池表曰臣雖削奪舊係大臣大臣受辱則辱國故北向叩
頭從屈平之遺君恩未報願結來生又別友人東僕得從李
元札范孟博遊矣一生努力到此亦得少力心如太虛本無
生死何幼質之足恋乎崇禎初贈太子太保兵部尚書謚忠

憲

庚申南京戶部右侍郎區大倫魏說削奪官誥河南道御史
何早論邪黨漏網也

御史牟志夔請追張問達贓命責十萬助餉

給事中 卍詩教免御史李懋芳論之

辛酉蘇人以周順昌清忠素著聞其逮也群毆從較李國柱
死之官置顏佩常等五人於法後人葬于虎丘名五人之墓
癸亥王之臣為兵部尚書兼右僉都御史經略遼東薊鎮天
津登萊閩鳴泰總督薊遼

翰林學士成基命罷以久依門戶也

鄭崇光

周大成罷

汪汝祥

汪澍劾奪官誥從閣臣之請

禮部主事畢自肅為寧前道參議兵部職方主事孫元化贊
畫

丙寅

姜逢元罷以呈身門戶也

己巳刑科給事中周洪謨罷以久依門戶也
魏忠賢廢都督同知以捕盜功

四月癸酉朔

丙子工部左侍郎崔呈秀兼右僉都御史從御史田景新之
請

應天巡撫右僉都御史毛一鷺巡按御史徐吉言蘇州民變
上切責之

兵部右侍郎熊明遇巡撫順天右僉都御史鄧漢考功郎中
鄒維璉巡撫宣府右僉都御史徐良彥並改戍右通政黃龍
光戍邊僉妻往

給肅寧伯一万九千金治第工部尚書董可威為請

己卯命南京守備太監劉敬楊國瑞遣胡良輔劉文耀募應
一天淮揚鹽運司各庫銀約百五十餘萬助工

癸未周宗建繆昌期下詔獄

甲申孫國禎為太僕寺少卿

乙酉御史劉大受王心一削奪官誥大受違限心一徇情結
勤也

戊子叙寧遠功進顧秉謙太保廕錦衣衛千戶丁紹軾黃立
極馮銓少保兼太子太保戶部尚書武英殿大學士廕副千
戶孫承宗改吏部尚書廕正千戶魏廣微副千戶並世襲魏
忠賢廕都指揮使劉應坤正千戶胡良輔紀用陶文百戶並
世襲王永光兼太子太保正千戶袁崇煥進兵部左侍郎餘
官如故廕正千戶並世襲巡關御史洪如鐘候推京堂總兵
滿桂趙率教進右都督世本衛副千戶
壬辰工科給事中虞廷陞言要典告成請禁天監錄點將錄

初終錄同志錄石碣錄偽鑒錄等書從之時太監胡良輔從
子岐山偵事江南德清蔡爽琛因邀至海寧吳中彥家同嘉
興某成天監錄專訐東林分注共五百七十人託撫標把總
某致之忠賢行五千金謀召中彥

乙未前御史李應昇下詔獄

丙申光祿寺丞劉光復贈太常寺卿廕監

戊戌太僕寺少卿史弼削奪官誥以素依門戶也

南京御史張繼孟削奪官誥下法司追贓大理寺左寺正許
志吉叅其貪污邪惡也

命撫按連黃尊素入京初錦衣千戶張應龍文之豹至蘄州

值民變失駕帖而止故有是命自是不遣緹較

庚子吏部文選員外郎李白春削奪官誥初顧東謙引之入銓不以貨報或曰請俟異日東謙仰其堂曰我老年須見物安用此道學語也

大學士丁紹軾暴卒

五月壬寅朔

癸卯左諭德繆昌期卒於獄昌期江陰人萬曆癸丑進士辛酉主湖廣試程策刺昔及楊漣劾魏氏為竄定奏草又辭魏氏墓碑益見忤羅織益死仍追贖崇禎初贈詹事謚文貞廕

監

談遷曰予讀終尚時自序云福唐密揭諷上准忠賢退歸私窩過加優渥上不失息意下明其退讓兩得之道也揭入天排內意福唐悞揭言此揭我門生所迫流言應山山疏出于吾手嗟乎福唐名寬大豈真欲殺我哉不過借以自解而借福唐以用其殺手者更慘矣壬午之際應山家居見官府可異事不勝憤惋癸亥之出托少子于其執友御老母以行其矢志也固不專為江西事時疏之上也相城實贊成之而示几微于我、答非可聞、夫擊內者只爭呼吸耳一不中而國家隨之況今日內無永外無文襄可几偉乎相城默然 應山疏上逆知其有今日也皆天也

故左都御史贈太保孫瑞迫奪誥廢陝西巡撫喬應甲劾其
邪臣漏網也

夕鬼大見正陽門樓上如數百螢火合之如車輪

丙午前給事中毛士龍戍 僉妻往文選員外郎夏加通

城旦尚寶司知姜志礼削籍嘉遇草亭人庚戌進士崇禎初

贈太常寺卿

丁未王恭殿災泉自恒城門北至刑部街壞民居萬余區男

婦死者甚衆蓋火藥局驟發也

玄武門火神廟是早守門內臣聞樂音三疊出自廟中見有

火毬滾出騰空而去衆方屬目俄東城聲如霹靂天地昏黑

上在乾清宮走避建極殿御座俱傾大殿工人墜死二千餘
人凡死傷俱裸露衣服飄掛西山之樹昌平教場衣服成堆
員弘寺街轎中女赤体無恙石駙馬街大石獅飛出順城門
外

己酉諭修省

工部尚書董可威以大災折臂免

大理寺左寺正許志吉礼科右給事中張惟一各許

辛亥薊州地中掘出二人尚活問之如夢又掘一老人亦活

俱京師飄墮者州離京百八十里

癸丑改御用監外舍為安民廠移貯神器

行人司行人臧昊如改名昇

甲寅太子太保兵部尚書王永光言修省之實如刑獄繁死
生人命董以士師申以覆奏誠謹之也今罪囚半歸詔獄追
贓即以卑命雖其人自不寃而於好生之德毋乃未愜乎甚
至秋後與不時并律囊首典絞斬同斃痛快之事每干天和
自今以往輕重罪囚悉付法曹使罹法者目覩自作之孽比
附者幸邀祝網之恩罪疑惟輕者或開其湔雪減免之一綫
罰當其咎者仍念其子孫父母之無辜肅殺之後繼以陽春
此其時矣至於軍儲告匱土木繁興豈不知生財為急而急
土木不如急軍儲議搜括又不如議節省今既搜無可搜括

無可括而瑣屑凌雜盡以入告竊恐焚林竭澤之後能無魚
驚鳥散之憂請自皇極告成暫停工作悉以海內之物力并
於軍前之輓輸寢其屑瑟之誅求益見 聖心之惇大俟疆
宇廓清再完堂構未為遲也

丙辰崔呈秀請停百官俸助工從之

丁巳命外戚張國紀回籍治喪例給祭葬命母陳乞
已未納來女陳氏楊氏周氏

辛酉前御史黃尊素下詔獄

乙丑閣臣進三朝要典

丙寅朝天宮定

薛鳳翔為工部尚書

葉大受削籍時吏部推職方郎中旨謂其竅弄是非排陷正人

庚午給肅寧伯地七百頃

辛未安南故都統使黎維祺遣臣阮實陳有禮補貢萬曆四十五年四十八年入鎮南關之昭德臺拜謁如禮

貴州都指揮使張雲鵬擊安邦彥於趙官堡大敗之初邦彥率衆渡江魯欽力禦之因乏餉軍潰欽自剄死苗仲復助逆貴州大震巡按傅宗龍遣兵攻河沙羅鬼盡俘之定番青岩白納苗蠻奪氣繼遣雲鵬逆戰四日賊潰歸道路復通後贈

欽少保謚

立祠廕指揮僉事

忠義夫人卒即隆慶四年那吉妻來歸者也以款市故卹禮如忠順

六月壬申朔

丙子大同地震廣昌城傾多妖祟驚人旬日始息靈丘地裂出黑水

茅元儀削籍時擬副總兵銜元儀噉文名游孫承宗幕下

范濟世為工部右侍郎協理工程

丁丑 皇子 慈炁 謚 獻 懷 太子

雲南地震有聲

壬午諭群臣毋挾縱橫之術英惑人心自是詔獄諸臣益絕
生望

丁未詔曰書言堂構詩詠似續朕自臨御以來未嘗不寤寐
深維之也嗟列聖相承在宥之宸居迨世宗肇錫皇極
之嘉號爰及神祖運值更新乃物力雖豫於儲胥而垂工
尚稽於制作留厥鉅典昇在朕躬追念先猷敢後經始乃者
藉我宗枋社稷之休貺典爾卿士庶民之胥從六府鳩工百
靈受職襄茲崇構还乎舊規朕用諏於九月二十五日肇稱
殷禮告成祖宗蒞見群后於戲役非得已永思志事之遠
居豈求安式副續承之重顧名思義建極敷言俾予一人嗣

有令緒亦爾萬邦之克有成勞也特渙明綸用昭盛舉布告
中外咸使聞知

戊子太常少卿韓繼思罷南京右都御史喬應申致仕免

前太僕寺卿劉文徵卒文徵雲南人萬曆癸未進士令新都

歷南京鴻臚寺卿加今銜

前吏部文選員外郎周順昌卒於獄順昌長洲人萬曆癸丑
進士其下獄被拷最英挺不挫故死尤慘崇禎初贈太常寺

卿謚忠介

庚寅三朝要典成大學士顧秉謙黃立極馮銓禮部左右侍
郎施鳳來楊景辰詹事孟紹虞曾楚卿戶部左侍郎徐紹吉

左僉都御史謝啓光修撰余煌編修朱繼祚張紳華琪芳吳孔嘉簡討吳士元楊世芳中書舍人喬煒通政經歷司知事李相共表上御製序曰嗟乎小人之禍人國甚哉指宮闈為攘功之地則翼戴莫出其先誣君父以不美之名則定策肯居其後且事極常而故張之踪本杳而故文之或十餘年或五六年幾成蝸蟾沸羹之世宙藉非皇祖皇考默牖朕衷則真是真非其何結局之有常我世宗嘗慮統嗣混而不得尊其親故其書主於定大統在朕今日慮貞邪清而將不免於誣其親故是書主於剖大疑令天下萬世覩是書而悟曰前星立矣藩封遠矣即有風癩立付市曹於國本無恙也

其無容疑者一鼎湖之悼實慕緣孝篤疾以慕深孰得以一月天子掩其為千秋聖人哉其無容疑者二筑疲集蓼此何昔也遺言未往封號在心宮自當移寧俟偈而後移其無容疑者三雖朕中興之業不敢望世宗或庶幾可免於戾乎甲午前御史周宗建卒於獄宗建吳江人萬曆癸丑進士自德清仁和令入臺慷慨敢言時諸君子在獄榜掠甚苦心知其貧橫坐贓日葦楛於庭鞭使入納不應則繫家人絕素饑夜半許顯純片紙入立報氣厲又戒毋即出往往至腐黻目不忍視崇禎初贈太僕寺卿謚忠毅廢入監

張溥曰歷觀治亂寺人之禍無有大焉者也東漢之季小

臣盈朝破舍柱壞冢舍發其奸私勢宜衰止一不振而海內
賢人皆殞其手况彼方炙者乎自古外廷與內角不聞一勝
豈盡不容者繇其陰賊著心禁近勢便也周公踴躍奮身以
除左右之惡不憚再三欲匡王國而使正公固不欲免即欲
免其可得乎

高 拭曰史子之際縉紳盡與婦寺為緣徇公與婦寺為
難以豈將破柱埋輪之虛聲哉義氣所激實欲清君側之
惡耳耳人盡斥逆黨盈朝螳臂當車祇成齏粉矣其居常
之言曰七尺可輕今果輕七尺也七尺輕而名重如山誰
謂七尺之徒輕也乎哉

已亥命達欵縣吳養春養春世以資雄前與弟養澤爭黃山
巡按駱駝曾獻其半入官旨不下養澤沒蒼頭吳榮得罪脫
入京訐養春私黃山事贓六十餘萬株及富室程夢庚吳君
實等

庚子兵部郎中吳淳夫論輔臣馮銓裴馬之曹仍在輕浮之
氣未除意欲太奢交游不慎致山人墨客尸履為盈斷梗死
灰望門而至蓋指門客程夢庚某元儀輩也御史劉徽陳朝
輔皆糾之朝輔尤剴切

雲南大水

閏六月辛丑朔京師大雨水壞房舍溺人良鄉至城溺武清東

安如之

壬寅浙江巡撫右僉都御史潘汝楨請立魏忠賢生祠許之
初杭州通判唐登儁專織幣先祠之清波門太監李實隘之
更創於北山規制闕敞囑汝楨祠額時織幣缺額且議採雲
霧山木汝楨意甦民困遂疏聞賜額曰普德官守祠沈堂錦
衣衛百戶

趙維寰曰丙寅以後中外鎮撫諸臣為魏璫建祠其議始
自吾浙潘撫不能力持未為无咎狀浙祠成於唐登儁遂
於李實事在乙丑秋冬間而潘撫蒞浙在丙寅四月圓風
馬牛不相及也矧意在為民請命與他省之無因獻媚者

絕相遠乃廟堂不深惟本末竟以首倡重處

大學士馮銓免逮監生程夢庚初銓與崔呈秀相妬呈秀伺
其賄輒示魏忠賢遂陰遣人入銓家刺其實一日朝罷語銓
宜少絕吏兵部居間謝無有忠賢曰若極富貴寧少居間三
千金耶銓漸甚忠賢退叱曰爾耕曰大悞我事此庸人可作
相耶

談遷曰焦芳劉宇之不容於瑾魏廣微馮銓之不容於忠
賢橫閣願指轉盼易嚮倖進者猶褰裳濡足以蹈之何也
太常寺少卿趙與邦免

前山東道御史黃尊素卒於獄尊素餘姚人萬曆丙辰進士

自寧國推官徵入臺抗直見忌年四十三崇禎初贈太僕寺卿予祭墓弘光時謚忠端凡諸公死俱出獄卒葉文仲手後事敗群捶死

劉一燝曰 熹廟乙丙之際余安忍言之哉余事 先帝穆朕仁主也如水未波自宵人入關奧寔貞良擯落別用一番陰鷲貪戾之夫物情大變諸君子既不能惜牛豨豕於先人不能孚號於後徒以議論折乘墉問鼎之奸此受禍之所以益烈也 國家二百六十年闔禍三見而誅殺任意衣冠屠膠怨血生憐未有若今日之甚也振瑾所事者長君犹思驪龍之寤忠賢挾冲主若朝委裘何所顧忌

諸君子以夾目之苦心而先罹失身之顯禍不亦悲乎卒之移山有力蹈海無人 天子不名群情密附稱功勸進之章不減新莽而神器屹然天授有德謂非公與諸君子之浩氣有以默攝之乎

舒曰敬曰魏閣內挾妖蠱外樹群小蓄異立威故雖天地告凶而果於誅鋤亦緣諸君子履虎撩蛇第揚廷即戎是務而多號有厲止聞焉獨公超朕遠覽欲破方隅以通天下之志而時無和者未能通志所以致命遂志公復何憾人所憾者十五人相繼以死國家元氣傷損實多蓋至今日妖氛蔽地殺氣彌天夫非損傷元氣之徵應乎則忠義

之關係世道者大也公祖瓊罹漢末黨禍名節有自来矣
談遷曰黃真長夙志耿亮受整闇媪昔人所謂耻不與黨
也聞之李實在浙司房黃日新宗附真長日新謹死所以
駕其禍小人不可與作緣汪文言黃日新不殷之鑒耶

丁未謝啟光為南京兵部右侍郎

戊申前福建道御史李應昇卒於獄應昇江陰人萬曆丙辰
進士筮仕南康推官在西臺屢摘權貴崇禎初贈太僕寺卿
弘光時謚忠毅

吳偉業曰公以始立之氣有為之才早負盛名未歷強仕
雖天地否塞竄逐流離天下犹望以黨禁終開足竟大用

而橫為奸臣所陷畢命牢戶暴尸道旁眼鼻虫出手足穿
爛獄中裂裳嚙血訣父手書自言三十餘歲便作一世人
矣嗟乎當終軍賈誼之年而受陳蕃李固之禍百世而下
讀公傳者未有不為之太息而流涕也

辛寅順天府尹秦聚奎免

乙卯戶科給事中周之綱罷以依附邪黨也

戊午右僉都御史周起元下詔獄

己未太常寺卿陳宗契罷

癸亥吏部尚書王紹徽免御史袁鯨劾其贓私狼藉也徽實
清介但北暱小人排陷正士卒為同類所攻惜哉

應天巡撫毛一鷺巡按御史徐吉報亂民顏佩章等五人正法

戶部左侍郎徐紹言免職方郎中鄭履祥及吳殿邦削奪官誥

丁卯刑部尚書徐兆魁御史溫國奇罷國奇為劉鐸求寬於兆魁又兆魁脫方震孺也

刑部 侍郎沈演削籍以司官開報舛錯也

廢魏忠賢都督同知總督薛貞頌其救失功

是月廣州大旱

黔兵攻司哈諸苗初安邦彥之叛籍其衆數掠清平新添至

是都指揮使張雲鵬率兵攻擺沙大寨乘夜襲破之賊遁入
箐會兵復攻高平養古諸寨斬首二千餘級

七月辛未朔江南北大風雨驟涌火許

御史方大任罪城旦

壬申山海關大雨水

甲戌太子太保兵部尚書王永光罷

工部 李廷芳託疾免

周應秋為吏部尚書

巳卯房壯麗為左都御史馮嘉會為兵部尚書薛貞為刑部
尚書蘇茂相為督倉戶部尚書李春燁為戎政兵部尚書

河決淮安逆於駱馬湖灌却宿

壬午王繼曾為尚寶司卿

史孔吉罷以高攀龍邪黨也

丙戌戶部尚書趙彥罷仍乘傳李起元免以郭允厚代之黃

運泰為戶部尚書督餉

施鳳來張瑞圖李國縉為禮部尚書兼東閣大學士直閣

丁亥大理右寺丞呂鵬雲罷

壬辰鄭崇光工部主事徐石麒削籍以鄉師黃尊素株及也

甲午牟志夔為大理少卿陳胤叢為大理右寺丞

乙未崔呈秀為工部尚書兼左副都御史仍督察大工駱從

宇曹思誠為吏部左右侍郎兵部武庫郎中吳淳夫改職方

郎中董象恒為武庫郎中

劉天錫削奪官誥以周宗建邪黨也

丁酉袁可立魏應嘉為兵部左右侍郎

己亥朱童蒙為右副都御史巡撫延綏

福建總兵俞咨臯議撫海寇楊祿楊策等撫按皆從之自是

賊日熾

八月庚子朔

丙午下劉鐸方景陽等鎮撫司初鐸事白許還任而同獄外
戚李承恩之子端求鐸於御史溫國奇囑刑書徐兆魁事泄

鐸復下獄張督張體乾誣其同道士方景陽咀呪厥臣令谷
應選立達治之

御史侯恂給事中杜三策削籍時例轉科道劉之待周宗文
王會圖杜三策張鵬雲侯恂竟削恂三策

辛未郭鞏為兵部右侍郎魏應嘉添設左侍郎

鶴慶姚安地震

癸丑鎮沅石屏州地震

乙卯進張體乾都督同知谷應選參將

庚申南京刑部尚書吳崇禮罷

雲南千崖宣撫司火星如月隕聲如砲

壬戌兩廣總督商周祚進紅夷砲十之初萬曆末紅夷艇沉砲
已解京二十二尚存其十也

甲子追程夢庚等贖十三萬六千金吳養春六十餘萬其黃
山木價三十餘萬俱助工廩魏忠賢世錦衣衛指揮使

聶慎行為吏部主事

通政使馬從龍請告勒致仕

丙寅永昌地連震

丁卯殺揚州知府劉鐸鐸未識方景陽羅織成獄蓋刑部尚
書薛貞意也鐸對辨貞曰今時圖身之功名何他人為鐸曰
一嘗功名有限千秋清議難逃貞大恨之崇禎初薛貞抵死

贈鐸太僕寺少卿

高汝拭曰詩辭即真不過語言文字罪耳何至詔獄詔獄
矣而審非其筆指復原官可以去矣居間關說何為也惡
得無罪獨怪司刑者讀聖賢書為天子執法臣不能以去
就爭而殺人媚人耶夫殺人何事咀呪何律豈西造不面
質祇一紙成案忠賢設俎而貞益之薪忠賢操刃而貞授
之柄是何忍也

大理寺副董懋中為南京尚書司丞

戒外戚張國紀省愆下徐自強等刑部順天府丞劉志選希
璫意劾國紀恣肆謀陷國紀因獄中宮也

前登萊巡撫右僉都御史武之望許迺里

陳王庭為太僕少卿彭汝楠為太常少卿

廣西按察副使曹學佺削籍毀其所撰野史

左副都御史劉廷元言三朝要典允稱信史 光廟實錄亟

須裁定 上是之

九月庚午朔吏部 司 周文煥免

上傳太僕寺卿顧慥久疾家居罷之各官年表者各宜恬退

南京工部右侍郎盧大中罷

癸酉刑科給事中黃承昊削奪官誥

兵部職方郎中吳淳夫兼太僕少卿

姜雲龍削奪官誥

甲戌大理寺丞余合中罷

丙子曹思誠汪輝為吏部左侍郎輝仍以左侍郎攝右侍郎

兼侍讀學士

禮部右侍郎兼侍讀學士錢龍錫通政使倪思輝太僕寺卿

徐如珂巡撫福建右僉都御史朱欽相並削籍

趙紱為通政使毛一鷺謝啓元為南京兵部右侍郎啟元漆

設李逢節為南京工部右侍郎

熊廷弼前餉關外七萬二千金下撫按錄其家助
工以御史梁夢環清快違餉也

辛巳通政使韓國藩須之彥並以門戶削奪官誥

通政右叅議楊紹震為通政使呂圖南為南京右通政使

廣西巡按御史王政新罷以疏荐曾學佺也

壬午雲南巡撫右僉都御史閔洪學請優忠勤土司安南長

官司沙源進宣撫司龍在田設為昌明土巡簡王顯祖設為

龍馬土巡簡各給印吾必奎改襲元謀土縣丞從之

前應天巡撫右僉都御史周起元卒於獄海澄人辛丑進士

崇禎初贈兵部左侍郎廕監弘光時謚忠惠

甲申王伉為光祿寺卿

庚寅蔣一驄為尚書司丞

辛卯李待問為右僉都御史巡撫應天

壬辰大學士顧秉謙免進太師廕尚書司丞行人護歸秉謙

老悖無耻媚事忠賢餘輔效之褒諭益溢

都轉運使汪承爵削籍以剝商抗璫也

刑部左侍郎吳中偉乞休許之進尚書時老臣多淫鬻中傳獨否

談遷曰吳司寇廉靜人也不可則止既允蹈之而虐斲方騰箝網彌布如劉鐸之獄主以薛貞設張釋之徐有功值此當堅不署案時未聞吳司寇之輟筆也薛竟反坐吳亦匱嗣或難以無知委之天道耶

甲午 上御皇極殿受朝賀諭停刑

章光岳為南京太常寺少卿

蔡獻臣以黨罷

少卿王守謙寺丞霍景霽外使驢驛並免

丁酉太清太祖薨潘陽子立是為太宗

十月庚子朔魏良卿進肅寧侯世襲賜誥券太監劉應坤紀用巡撫袁崇煥各加廕世襲

孝陵衛指揮李三才請立魏忠賢祠許之賜額溥仁

莽賊偏車里宣慰司直攻上江執宣慰使刁韞猛及子召河璇而退莽酋召霸浪烏罕者昔莽應禮之後曰莽曰緬曰阿尾其巢穴曰擺古曰翁陞曰洞吾即緬甸宣慰司去車里六千餘里莽侵孟良府孟良求助於車里宣慰刁韞猛遣從子

召控章援之故令報復刁韞後年八十餘急于求解出美女
金幣戰馬餌之莽酋知其子召河璇有女召烏岡色絕貢獻
之充以他女莽怒來攻巡撫 閔洪學奏其事曰西南諸蠻
其大者三宣六慰今三宣無恙而六慰安在哉以六慰言其
一緬甸宣慰司即緬也其一車里宣慰司又一日八百一日
木邦一日孟養一日老撾各自雄長犬牙相制嘉靖初緬甸
為孟養所滅其酋莽紀歲舉族皆死惟莽瑞体兄弟教人走
免入洞吾因篡洞吾即緬甸宣慰使司借其兵力復仇日漸
強大四面吞併拓地幾萬里嘉靖末滅八百萬曆八年掠孟
養酋思過十八年逐思過遂滅孟養十年掠木邦三十三年

執罕穰遂滅木邦以嘉靖間破老撾之纜掌撾已失東偏惟
西偏僅存未服屬緬狀亦久不通中國六慰既盡勢將及於
三宣為今之計即未能輕開緬霧亟宜聯絡諸蠻諸蠻分之
則渙而弱合之則聚而強昔緬滅木邦而不能有也以思禮
食其地滅蠻莫而亦不能有也以思線食其地所用仍天朝
印今緬執車里之酋未遷有其地必將更置其長立所愛者
而去之而車里之人未心帖也諸蠻之勢既聯則車里之衆
亦有可乘或不難相機而取事也得旨緬霧豈可輕開聯絡
諸蠻隨宜處置不必罷敵中國從事荒微

談遷曰阿瓦車里之構禍自萬曆四十四年車里被兵魯

未請救瓦兵一至棄寨而奔至泥首受縛蓋車里在嘉靖
間兵敗於緬已折而入緬故有大小車里之號以大車里
應緬小車里應漢閔中丞請問罪於緬亦不過建白塞責耳
果爾吳師去滇八千里又李宓南詔之覆轍也

壬寅南京御史徐復陽削籍以居官賄聞也

癸卯左都御史房壯麗予告

甲辰錦衣衛 徐本高都指揮僉事沈光裕削籍以本高

門戶光裕素惡也

丙午以皇極殿功肅寧侯魏良卿進寧國公世襲給誥券

田三百頃歲祿二千五百石

壬子工部員外郎鮑思忠乞恩加陞不許

豐城侯李承祚請內臣出鎮登萊監督軍餉

叙殿功太監魏忠賢廢都督同知賜金五十幣四王体乾梁

棟石元雅徐文輔李實劉應坤李永貞俱錦衣指揮僉事世

襲金同幣三餘劉忠等百戶尚書周應秋李思誠薛貞房壯

麗馮嘉會閔鳴泰李春燁郭允厚薛鳳翔俱進太子太保嘉

會廢錦衣指揮僉事鳴泰仍總督春燁仍協理京營允厚為

翔廢入監俱賜金三十幣二崔呈秀為太子太保左都御史

世廢錦衣指揮僉事賜金五十幣三工部尚書董可威侍郎

李康先加二品服賂從字劉遵憲袁可立俱賜金三十幣二

徐大化孫杰楊夢來為工部尚書署左侍郎事范濟世為左

侍郎仍署右侍郎賜金幣如前 張繼美 吳汝

胤駙馬都尉侯拱辰惠安伯張慶臻 陳偉 劉天

錫 費天澤俱金四十幣二 傅應星李誠銘進

太子太傅金幣如上魏士望為都督僉事李國貞馬允升鄭

其心吳自勉王承恩李嘉訓張体乾郭欽俱全三十幣一李

文烈王家賓管鳴珂張承祿俱金十楊夢來為工部尚書仍

督工程賜金二十幣二郭其言陳維新楊文岳王夢尹楊維

新楊所修陳胤叢郭其治張惟一殷國章陸文獻霍維華蘇

兆先潘士聞虞廷陞趙胤昌何廷樞何可伋王拱張樞陳朝

輔梁炳邢紹德袁鯨王時英曾應瑞俱金三十幣二丘履嘉

黃鳴俊喬若旻吳淳夫張爾嘉審之翰田吉董象恒張著銘

鄒忠胤朱本吳蔣觀俱進一級金十五單明詡張文郁改京

堂金如上李養德加服俸二級金二十呂濬許原官致仕何

宗聖陳殷袁燠馮運泰湯齊楊維和俱進二級改京堂金十

五周迪吳國貞曾國貞馬維陞田大本吳炳劉有慧鮑國忠

許觀吉朱國盛徐四岳范珍陸懷玉周馮岐蔣友筠葉憲祖

俱進二級金十五嵇相琦陸時選俱金十郭守仁為光祿寺

卿金三十徐應選杜大盈各為光祿少卿金十五齊光祖張

三綱張凌雲陳大同吳師禹俱進一級金十馬斯任于光燁

李應龍俱金十張景吳楊齊芳王四維俱紀錄

田雨耕廕錦衣衛正千戶世襲金四十幣三吳堯年鄭士殺
許顯純張元孫李大壽于日升俱進一級金一十幣二楊襄
孫雲鶴左右都督崔應元都督同知仍北鎮撫司理刑原廕
指揮僉事世襲孫世卿進南鎮撫司僉書劉應治等百四十
六人各進一級

張承爵為太僕少卿楊洪周國各改尚寶司少卿王猶龍
改光祿少卿各加從三品服邵樹德為禮部儀制郎中袁承
恩唐尚忠各員外郎周承禹主事黃繼光為大理左寺副楊
振龍進正六品俸原抱奇于繼鯨朱國詒各大理左寺副李

唐虞際沈廷松各左評事顧名遠文華殿中書舍人

邵輔惠進一級金二十幣一姚宗文許宗禮阮大鍼曹思誠

劉廷元羅尚忠馮三元各進一級金幣同餘各有差

乙卯諭東林奸徒未盡或流言蜚書令廠衛城捕緝之

葛寅亮為南京尚寶司卿

賜魏忠賢田千頃加祿五千石

丁巳張之郁葉憲祖進太僕少卿仍舊任

潘達以熊廷弼黨削籍

順天府丞劉志選叅外戚張國紀怙惡不悛有去外家輯睦
則國母之壺德彌光戚畹講張即聖主之優容亦過恐區

臣習禮省愆未弭官方之謗而塞道路之口甚至嘗及於丹山之穴藍田之種者此又臣之所不敢深言也 上責國紀洗心滌慮毋自取罪

談遷曰閹媼方張蔑視我。后思閉長門之影造紈扇之怨劉京北望指而投彌天設罟果如其意豈止王聖構隙令萱蠱聽已耶京北於神廟時翼儲抗議晚極狂悖此曹子立名非真終自敗露也

已未兩廣總督何士晉太常寺少卿程註各下撫按追贓給事中沈惟炳削奪官誥驗封主事程良等以註之子除名永不叙蓋直隸巡按御史梁寧環論之

高汝栻曰逆璫竊柄報復之害至父子兄弟戚友橫加被累如因程註及程良等因孫居相及孫鼎相因楊漣及楊金通因魏允中及魏光緒因劉鐸及劉垂室因李應昇及張捷因周起元及張廷拱因張光前及張雲鵬因劉大受及王心一此類未可枚舉其禍蔓愈廣令人莫可控揣嗟嗟舍軍國之大計而修同姓之小嫌以有用之精神而報無端之恩怨國家何賴有此臣子哉

兵部左侍郎魏應嘉罷

壬戌范景文為太常少卿提督四夷館添注

郭吳治陳王庭賈毓祥並為大僕少卿仍舊任給事中周用

賓彭汝楠御史王夢尹王業浩並削籍時吏部叙錄殿功分
別邪正

曹思誠戶部尚書仍署吏部左侍郎馮三元為左副都御史
邵輔忠進兵部尚書仍署太常少卿李劉廷元進左都御史
單明詡進太僕少卿並仍舊任

沈應明

周汝弼削籍

巡按陝西御史王大年舉劾方面也

丙寅徽州知府石萬程削奪官誥以託疾故

給寧國公田千頃并前田共二千頃

陝西叅政王則古坐門戶削奪官誥

朝鮮國王李侗奏調助兵食且訴其困諭以覽王奏忠貞之
忱得於言表朕甚嘉之鎮軍久懸遼兵雜處微王言朕不坐
照萬里之外乎雖然建州非愛王之國而不攻也毛帥在中
朝牽制之若在同亦唇齒之形海上芻蕘既近該部區畫刻
期接濟赴難遼民或鎮此可籍或別島可分或內地可徙裨
毋重為王累併力洽心王亦重勉之

王行百里豈半九十乎所開尹文等事傳訛之言不足介意
朕注念屬國當不減王之傾心於朕也

札部即中洪敷教罷時推保定知府以武長春故免之

十一月庚午朔工部尚書薛鳳翔請寧國公第價除前萬九千

金外宜三萬五千二百八十一金

丁丑叙孝陵功廕廠臣錦衣指揮僉事世襲王体乾梁棟李永貞石元雅徐文輔各副千戶南京太監劉敬揚國瑞胡良輔副千戶王可進劉文燿李承恩楊奎各百戶南京工部尚書張鶴鳴廕入監餘賜金幣

給事中張鵬雲削奪官誥以門戶也

己卯南京戶部尚書畢自嚴兵部尚書許弘綱罷

趙士煥免

以緝礦賊廕廠臣錦衣指揮同知

壬午

韓于宣削奪官誥以違限又門戶也

馮時行為太僕少卿轄西路

癸未南京右都御史朱一桂勒免

以山海關工竣廕廠臣錦衣指揮同知劉應坤正千戶紀用

陶文副千戶孫茂霖武俊王蒞朝楊朝百戶各世襲

乙酉外刺南京地震

丙戌廕廠臣錦衣衛指揮使陶文正千戶楊朝副千戶世襲

以修喜峰口功

田吉為太常寺少卿仍署職方司員外郎

己丑右副都御史郭尚質坐黨削奪官誥時推刑部左侍郎

廕魏忠賢錦衣衛都指揮同知以順天巡撫劉詔疏秋防也

辛卯劉廷元為南京兵部尚書
兵部左侍郎袁可立進尚書致仕

壬辰田仰為尚書司卿

禮部右侍郎唐大章左諭德劉鴻訓國子司業劉鍾英並削
奪官誥以門戶也

特命太監曹九思鎮守宣大山西張守成李應江副之田奉
張大興為中軍各駐鎮城清軍核餉

甲午寧夏地震

陝西道御史高弘圖罷謂託疾規避也

乙未順天府尹李春茂報賑飢云、皇上施行於前厥臣繼

踵於後

叙甘肅功蔭魏忠賢錦衣指揮使王体乾梁棟李永貞石元
雅涂文輔李實劉應坤各指揮僉事

進黃立極少傅兼太子太傅吏部尚書建極殿大學士蔭錦
衣指揮使世襲賜金五十幣二坐蟒衣一施鳳來李國楷張
瑞圖並少保兼太子太保戶部尚書武英殿大學士蔭指揮
僉事金四十幣二

李宗廷賜金三十幣二董漢儒趙彥進太子太保金三十幣
二蔭錦衣正千戶世襲王在晉太子少保金幣同馮嘉會太
子太傅蔭錦衣指揮僉事世襲金四十飛魚服一袁可立印

輔忠金三十幣二朱童蒙霍鏌劉其忠各金五郭其治金十
五李魯生蔣國觀袁玉佩各金十吳淳夫金十五張爾嘉耿
如祀董承詔郭世隆廖起嗽各進一級金十五其署印凡任
各加金十田吉寧之翰各金十劉永昌等同李起元進太子
太傅世錦衣衛揮僉事金四十緋蟒衣一李從心太子太保
世錦衣正千戶金四十飛魚服一總兵董繼舒進都督同知
世本衛副千戶金二十郭之寧錄用金同曾司牧進俸一級
吏部紀錄餘賚叙有差

丁酉直隸巡按御史梁克順以門戶削奪官誥

浙江布政司 參議戴君恩加太僕少卿

御史李應魁免以巡城時賄聞

諭褒親忠賢宣勞潛印不言丙吉之舊恩戮力中樞式啟用
宣之新運特賜羊酒銀幣仍宣史館於戲四星帝座參元象
於三台六典周官重吉士於內尹

戊戌御史房可壯游士任

楊嘉祚

孟侵帑各

下撫按訊之勒期追解以御史張汝懋論之

江西布政真憲時以楊連荐削奪官誥

楊邦憲為右僉都御史巡撫江西

安邦彥攻白納司官軍擊敗之諸將分道出戰各有功

十二月己亥朔寧國公府成命工部尚書徐大化落之

庚子類奏緝獲功廕魏忠賢錦衣指揮使楊襄孫雲鶴進太子太保

壬寅後府經歷張汶下鎮撫司英國公張維賢論其貪酷處政也汶多吏議宜抨後亦議卹如清論何

丁未吳淳大為右副都御史署太僕卿事

楊州知府朱大典罷時推四川副使謂久依門戶也

戶部主事詹以晉削籍

庚戌

張惟任勒致仕大理寺丞彭維城削奪官誥謂

久依門戶也

陸夢祖

辛亥大理寺卿董光宏應天府尹祝以函

歸子顧各請老許之進工部右侍郎

以緝盜功廕魏忠賢錦衣衛指揮同知

壬子逮前刑部右侍郎王之寀以順天府丞劉志選劾之

遼東巡撫袁崇煥遣西番喇嘛僧弔可汗於瀋陽以金方納

温台什至獻貂參銀鞍事聞諭以驕則速遣之馴則徐間之

無厭之求慎毋輕許有備之跡須使明知嚴姚互用操縱兼

施勿挑其怒勿墮其校

巡城御史門克新緝吳人顧同寅孫文身下法司熊廷弼嘗

贈同寅玉帶同寅私祠廷弼陳帶而哭文身有弔廷弼詩又

誹謗論一首

己未吳淳夫為工部右侍郎理殿門事務吳應琦為大理寺卿商周祚為南京工部尚書

寧夏不空寺堡地震山崩

壬戌御史馬鳴世劾奪官誥以邪黨也

南京太監劉敬請祠魏忠賢賜額崇勲

癸亥起丁啟濬南京太僕寺卿

徐天衢劾奪官誥謂久依門戶也

交首莫敬寬襲歸順州初歸順土官岑大倫與敬寬結盟締好因黎維祺侵之敬寬竄歸順倫乘敗縛寬送維祺遂執寬妻收所有後莫酋脫歸遂襲歸順揆州印執倫及子繼紀繼

綱繼常而去時撫臣宣諭莫酋獻印留綱常為質歸繼紀途殞又詭遣常還常乳父壽登欲常永襲許賂莫殺綱以絕爭

端莫酋聞常已襲索賂登意綱已死背之莫酋後寇歸順

丙寅許給雲州歸化三泊南寧河陽元謀各儒學印見後

丁卯天啟七年

正月己巳朔辛未逮山西懷來道右布政立志充至下鎮無獄以

餉金三千託太醫院吏日王家棟營京堂東廠跡之論

壬申先是諭兵部新陞薊鎮西協副總兵崔凝秀進府衙還府今多事不宜紛更盧抱忠仍西協副總兵改王維城南京北教場至是兵部奏上竟進抱忠總兵衙仍西協副總兵事

王維城貪怯削籍崔凝秀如議

過庭訓為應天府尹

錦衣衛指揮同知沈嘉慶為南鎮撫司僉書

癸酉兵部言三王之國順天尹李春茂徵車四千四百四十三輛役八千四百九十六人童借回金萬有五千餘令尹自措上命回寺給二萬勅治中潘舜馳會各道議之

甲戌 上親享太廟

給山海太監紀用勅章

命南直撫按入吳養春贖六十萬

諭內閣以司禮太監涂文輔總督太倉銀庫節慎庫太監崔

文昇李明道總督漕運疏通河道覈京通等倉

乙亥傳太常寺昨享太廟捧爵執事官躡短白鞋殊褻令棟上

給順天尹李春茂萬金助藩費

丙子刑科給事中杜齊芳削奪以門戶也

鎮撫司以丘志充獄上坐贓九千金有奇廢魏忠賢錦衣指揮使勅勞金幣

鳳陽署戶李春先等請立魏忠賢祠賜額懷仁

丁丑御史何廷樞巡按應天汪裕巡按宣府

戊寅詹事蕭命官推南京禮部右侍郎坐門戶削奪

己未吳淳夫為工部右侍郎卜理殿門事務吳應琦為大理寺卿商周祚為南京工部尚書

寧夏不空寺堡地震山崩

壬戌御史馬鳴世劾奪官誥以邪黨也

南京太監劉敬請祠魏忠賢賜額崇勲

癸亥起丁啟濬南京太僕寺卿

徐天衢劾奪官誥謂久依門戶也

交西吳敬寬襲歸順州初歸順土官岑大倫與敬寬結盟締好因黎維祺侵之敬寬歸順倫乘敗縛寬送維祺遂執寬妻收所有後莫酋脫歸遂襲歸順扶州印執倫及子繼紀繼

綱繼常而去時撫臣宣諭莫首獻印留綱常為質歸繼紀途殞又詭遣常還常乳父常登欲常永襲許賂莫殺綱以絕爭端莫首聞常已襲索賂登意綱已死背之莫首後寇歸順丙寅許給雲州歸化三泊南寧河陽元謀各儒學印見後丁卯天啟七年

正月己巳朔辛未逮山西懷來道右布政立志充至下鎮無獄以

餉金三千託太醫院吏目王家棟營京堂東廠跡之論

壬申先是諭兵部新陞薊鎮西協副總兵崔凝秀進府衙還府今多事不宜紛更盧抱忠仍西協副總兵改王維城南京北教場至是兵部奏上竟進抱忠總兵銜仍西協副總兵事

己未吳淳夫為工部右侍郎。理殿門事務。吳應琦為大理寺卿。商周祚為南京工部尚書。

寧夏不空寺堡地震山崩。

壬戌御史馬鳴世劾奪官。誥以邪黨也。

南京太監劉敬請祠。魏忠賢賜額崇勲。

癸亥起丁啟濬南京太僕寺卿。

徐天衢劾奪官。誥謂久依門戶也。

定酋莫敬寬襲歸順州。初歸順土官岑大倫與敬寬結盟。締好。因黎維祺侵之。敬寬歸順。倫棄敗。縛寬送維祺。遂執寬妻。收所有。後莫酋脫歸。遂襲歸順。挾州印執倫及子。繼紀繼

綱繼常而去。時撫臣宣諭莫酋。獻印留綱常為質。歸繼紀。途

殞。又詭遣常還。常乳父常登欲常永襲。許賂莫殺綱。以絕爭。

端莫首聞常已襲。索賂登意。綱已死。背之。莫首後寇歸順。

丙寅許給雲州歸化三泊。南寧河陽元謀各儒學印。見後。

丁卯天啟七年。

正月己巳朔辛未。逮山西懷來道右布政。立志充至下鎮。無獄以

餉金三千。託太醫院吏目王家棟營京堂東廠跡之論。

壬申先是諭兵部新陞薊鎮西協副總兵崔凝秀進府衙。還

府。今多事不宜紛更。盧抱忠仍西協副總兵。改王維城南京

北教場。至是兵部奏上。竟進抱忠總兵銜。仍西協副總兵事。

王維城貪怯削籍崔凝秀如議

過庭訓為應天府尹

錦衣衛指揮同知沈嘉慶為南鎮撫司僉書

癸酉兵部言三王之國順天尹李春茂徵車四千四百四十三輛役八千四百九十六人童借厠金萬有五千餘令尹自措上命問寺給二萬勅治中潘舜馳會各道議之

甲戌 上親享太廟

給山海太監紀用勅章

命南直撫按入吳養春贖六十萬

諭內閣以司禮太監涂文輔總督太倉銀庫節慎庫太監崔

文昇李明道總督漕運疏通河道覈京通等倉

乙亥傳太常寺昨享太廟捧爵執事官躡短白鞋殊曩令桀上

給順天尹李春茂萬金助藩費

丙子刑科給事中杜齊芳削奪以門戶也

鎮撫司以丘志充獄上坐贓九千金有奇廢魏忠賢錦衣指揮使勅勞金幣

鳳陽署戶李春先等請立魏忠賢祠賜額懷仁

丁丑御史何廷樞巡按應天汪裕巡按宣府

戊寅詹事蕭命官推南京禮部右侍郎坐門戶削奪

詹事府禮部尚書賂從字罷吏部左侍郎汪輝削奪時從字
推禮部尚書輝次之

殺太倉黜生孫文身崑山監生顧同寅

兵部尚書王永光擬各班軍修山海四城 上以邊地早寒

令秋班與春班偕至便工作

己卯光祿少卿倫肇修為大理右少卿

削奪莞人大理寺右少卿陳胤叢 汪康謠

魏忠賢以賜第餘金修山海寧遠城世錦衣指揮使

黃陂諸生熊子宣欲奪衣三婦龐氏氏先殺幼女自剄命立

坊旌其烈

南京鴻臚卿張崇祀為南京通政使

御史智鉷言遼東督撫工之臣袁崇煥以喇嘛一行執意各

忤國家不堪再悞不若調工之臣於密雲專禦其西調閭鳴

泰於關門責之禦東大學士黃立極議如故使

雲南巡撫閔洪學巡按御史朱泰禎奏雲州歸化三泊南寧

河陽元謀宜立儒學給印從之

辛巳夜月犯軒轅大星

勅後府吏戶禮兵部曰朕弟信王年已長其歲祿萬石今在

京歲支米三千石鈔萬貫侍之國米全支如會典選王府官

今在京先給校尉三百軍一百

壬午勅戶部給三王儀衛群牧等官及校尉軍士俸廩工部
給居費

仍設孟河欽總官

甘肅巡撫王家楨言銀百近犯鎮番酋長三見台吉創死遂
糾河套土巴台吉分犯威勝堡諸處總兵徐永壽率鎮番副
總兵官惟賢西協副總兵陳洪範涼州副總兵
等分禦之共斬百六十級決旬始遁事下兵部

癸未大學士黃立極等議總兵王之臣巡撫袁崇煥仍如故
使

甲申諭刑部前喜峰口差官楊所見盜市貢馬與叅將馬士

麟無預司官不奉旨私訊其奏上

諭兵部傳毛文龍整兵搗巢烏闕寧後勅

乙酉建人教萬騎襲朝鮮義州陷之殺節度使李筦等已至
定州安州殺防禦使金凌等平壤黃州不戰而潰李侗走孤
島

丙戌京師地震有聲

戊子盜殺桃源知縣管九功掠庫獄典史林天相僅身免

兵部奏山海太監劉應坤凡應乾原廢錦衣指揮使進都督
同知中府帶俸

工部尚書薛鳳翔言工部郎中徐伯徵稱南京搜大內廢銅

鑄錢給工廠臣魏忠賢輸貨五千金市銅助鑄上善之
涿州盜殺守備蔡文龍

庚寅 信王辭景府田租六千三百餘金命以汝王福王遺
租給之

類叙三年捕獲功魏忠賢世錦衣指揮使提督張休乾右都
督郭欽左都督副總兵王家賓游擊王文烈等各陞賞有差
兵部尚書馬嘉會言登萊巡撫李嵩連雲島之提島在覺華
島之左距三岔河四百里東師屯而作舟官兵夜襲盡焚其
營斬十九級命進李嵩及道臣岳駿聲一級總兵楊國棟進
右都督國棟者魏忠賢名下曹承恩之姊夫也

辛卯太常少卿王志道為右通政削奪光祿少卿王伉以黨
故

免潼關咸陽權稅陝西巡按御史莊祖謙之請

吏部尚書周應秋言前修撰文震孟編修陳仁錫庶吉士鄭
鄴以孫文豸等株累奉旨並削奪官誥因誦厥臣功德報可
趣前兩淮巡鹽御史徐縉芳贖四萬四千餘金助工

壬辰福建左布政黃景章為南京光祿寺卿攝鴻臚事尚書
司卿王繼魯為大理左少卿

詹事李孫宸為南京禮部右侍郎陪推詹事曾楚卿削奪以
出張禹門

御史吳尚默巡青御史劉重慶罷以楊漣黨也
朶顏三衛危正打喇罕等貢馬

巡漕御史何可及言漕事一剝運放空船一留津速空船一
委官催空船得旨申銜剝運餘下部

癸巳尚寶司丞蔣一駟為光祿少卿

甲午來宗道為禮部尚書兼學士南京工部右侍郎李逢節
為兵部右侍郎兼右僉都御史總督兩廣軍務巡撫廣東

遼東巡撫袁崇煥上言金師使金方納溫台什九人來款詰
其起兵云獵耳乘便掠西部決不敢擅入寧前又投漢文票
將向時皇帝改汗字如虎墩之稱而仍彼國號因還其書留

其來日暫放一二人歸令易天聰年號遵正朔方與代奏

上報曰來書聽信非易侵地當諭令還叛人今獻不止去借
號奉正朔一紙書數字改換便可釋憾銷疑也

丙申左中允林鈺為左諭德兼侍講署國子司業

前通政使馬從龍為尚寶司卿

大理右寺正許志吉往淮揚同撫按籍吳養春引盜贖產志吉
初請遣廉幹者任之即命焉以故相許國孫嚴逮鄉人無不
切齒

山東巡撫李精白言三王道費乞如福王例支庫金八萬
八千米六萬石上以時詘視順天府酌裁天津巡撫黃運

恭言 福王徃例實一萬七千九百餘金米二萬六千六百
六十餘石今三王並封支應倍其二乞准沿七年馬價五萬
三千金發天津倉米七萬九千石 上不許如順天例
應天巡撫乞鷺巡按御史王洪立魏忠賢祠於虎丘山宣大總
督張樸巡撫秦士文巡按張素卷各祠魏忠賢 上善之
福建副使蔣英削籍謂久依門戶也
刑部尚書薛貞言前甘肅巡撫李若星以賂趙南星開府擬
成從之仍下撫按杖之百

二月戊戌朔祭太社太稷遣成國公張惟賢
故南京刑部尚書吳崇禮贈太子太保詹監

倉場總督蘓茂相言津撫黃運泰暫借凍糧以帶運抵補許
之第帶運遼糧例不興耗而漕額每石耗七升共四升二合
今津門截漕興耗共足十五萬 上如其議

禮部署事左侍郎李康先言親王就國一辭陵一辭奉先殿
一沿途禮儀一到國儀注惟辭陵重疲昌平民准令三王同
謁少寓節省從之

行人司正李徵儀削籍以首薦夏加遇也

巡按浙江御史劉之待役跋引疾命削奪

已亥寧夏各衛自正月來地震百餘壞城郭廬舍亡寔人多露
宿

進田吉太僕少卿領職方司如故

督師兵部尚書王之臣引疾去不許進太子太保還部

遼東巡撫袁崇煥以去年虧餉七萬餘石軍士告饑今天津
餉臣所截凍糧求速給

庚子 信王 由檢婚妃周氏

登萊總兵都督同知楊國棟進右都督

御史梁夢環誣外戚張國紀草菅人命魚肉細民擅收皇稅
強取民房、上切責國紀令回原籍首惡保全終始毋貽後

海

南京戶部右侍郎林宰予告進左侍郎

鎮守宣府大監曹九思勅撫賞所市緞匹官蕭文中唐嘉瑞

曹宗洪乾沒帑金緞匹濫惡致失遠心命下鎮撫司

司禮太監王体乾言進封皇貴妃冊封容妃寧德長公主遂
平長公主信王各婚禮三王之國共該金百四十餘萬宜承

運庫御用監各一分幸厥臣樽節概蠲 上善之廢錦衣衛

指揮使賜金八十幣六鈔五千貫

壬寅廷臣謁 信王稱賀

國子祭酒馬之騏為詹事編修孔貞運為左中允直日講

遼東巡撫袁崇煥乞終制棄葬不允

癸卯 上視朝見大漢將軍前列者衣甲鮮整其後蔽服白

襪失侍衛体已責褒城伯李守鏗仍宥之
信王妃謁太廟

大學士黃立極言今早聖諭進王之臣於中樞閣鳴泰坐鎮
薊門策應閣上袁崇煥防禦寧遠以調度掄閣真主伯亞旅
之相使又何患於東事哉朕臣竊有感也嚴臣魏忠賢矢蓋
報國殫赤籌邊克副 皇上之託內鎮諸臣策勵綢繆又善
体厥臣之心中外臣子何強不協心并力以釋聖明東顧之
憂乎

兵部尚書馮嘉會子暎 廕錦衣指揮僉事世襲

工部計蘆溝橋石隄十一萬六千三百五十餘金命部給五

萬餘俟內府

甲辰山海城濠告竣進總督王之臣閣鳴泰太子太傅巡撫
袁崇煥進從二品服俸劉詒從三品服俸並賜金三十幣二
道臣王應參張春並進右叅政畢自肅副使並予金總兵趙
率教滿桂並進一級賜金三十
中書舍人朱慎登捐金助工 上善之

總督劉遼閣鳴泰順天巡撫劉詒巡按倪文煥各頌魏忠賢
捐貲撫軍發粟助賑請祠於景忠山報可

上念惠王新蒞荆卽支度偏處事权不一特予勅凡朝賀喪
筵封婚等悉啟王類進

諭遣總督登津鎮守海外御馬太監胡良輔總督登津苗成
副之中軍御馬太監金捷郭尚礼俱駐皮島與毛文龍協議
給帑金五萬紵布及砲甲等

夜月犯井宿東北第三星

丙午鑄御馬監天師卷署場內臣之章

再叙寧遠脩城功魏忠賢廢錦衣指揮使賜金五十緡幣四
鎮守太監劉應坤紀用陶文並廢錦衣指揮僉事賜金三十
幣二孫茂森武俊廢錦衣五千戶賜金二十幣一督餉尚書
黃運泰進太子太保賜金三十幣二道臣畢自肅進一級賜
金二十都司沈承訓等加級陞補

兵部主事孫元化謀贖畫坐免

四川巡撫尹同臯言去年九月勅到遣參將楊明輝齎入水
西示安位等如翻然悔悟擒斬首惡其餘脅從盡行赦宥被
安邦彥殺之邦彥已渡鴨池離威清二十餘里下營又報奢
崇明聯絡諸苗執不就撫惟當聚餉練兵而兵非數十萬不
可餉非百餘萬不可在督臣自有石畫臣惟厲兵秣馬聽督
臣指揮又言陝西流盜由保寧入川蹂躪廣元神宣之間天
啟六年八月神宣指揮吳三桂禦之斬三級一係賊魁十二
月又從眉林溝入犯守備王虎禦之斬紀守恩等十二人追
至寧羗界秦蜀兩道事权宜兼制乞勅陝西各道府多方緝

捕從之同臯又言松潘龍安番徠不時出沒火酋擁衆犯邊
雖經大創不可不備八月間賊番數百從黑谷山突出建武
游擊調守松龍孔全斌率官兵敗之十月間全斌又敗之十
二月間犯小河官兵禦卻之今火酋云報仇夫小河要地游
擊手丹天胤已援黔乞即調全斌小河游擊以建武游擊潘之
玉補之報可

福餘三衛都指揮使打都等遣阿伯克等貢馬

南京兵科給事中楊棟朝削籍謂久依門戶也

廣東倖中貢士莫大猷削籍房考劉軒孺先錫二級下撫按
訊其弊竇

丁未大學士施鳳來釋奠太學

御史趙胤昌巡按福建劾奪陪推御史陳以瑞以門戶故

戊申賜魏良卿肩輿

己酉始御經筵

庚戌戶部郎中朱明時主事馬斯作為瑞府長史國子監丞
孔元德學錄韓世恩為審理中書舍人王胤永陳可信為紀
善刑部郎中陳沃心主事李建和為惠府長史國子監丞徐
鴻起學錄王瑞錄為審理中書舍人吳士樵朱日臨為紀善
工部郎中蔣友筠主事沈立義為桂府長史國子學錄沈德
先母惠為審理中書舍人何廷玉王昌胤為紀善

貴州巡撫王璠為南京戶部右侍郎總督糧儲陪推南京操
江右僉都御史胡東漸勒免

通政使趙絳山西巡撫曹楨為兵部右侍郎戶部右侍郎張
曉為左侍郎陝西巡撫張維樞為南京工部右侍郎

刑部左侍郎潘濬為南京刑部尚書陪推兵部左侍郎王之
采勒免

逮薊州兵備道叅議胡士容以赴任擾驛也并諭兵部檄通
州良鄉上其役騎之數士容至下鎮撫司

辛亥命漕艘避王舟餘分行兩岸以急輸 仆檣也

山東右布政岳駿聲為光祿寺卿

登萊巡撫李嵩報東師已抵三空河東岸楊鞭則向關門鼓
柁則通海路業分水師過之報聞

壬子兵部尚書馮嘉會言督師王之臣報東兵攻克艾州昌
城又往鉄山鉄山毛文龍所居乘其孤而攻之業檄登撫航
海策應又命餉臣補餉七萬石

連遵化道副使耿如杞以順天巡撫劉詒論其舉動乖張官
箴盡壞也詔行部肅寧至魏忠賢家祠拜謁如臣禮稱九千
九百歲因別立祠喜峰口如杞不往被糾時文書官季守質
傳內閣裁遵化道黃立極言未易裁即如杞之罪願少酌處
俾代者任封疆之寄也如杞竟出贓六千三百金論辟
澄城知縣張斗耀比糧被殺

甲寅工科給事中顧其仁御史周邦基吳甦梁元柱謝奇舉
吏部員外郎張其寶並例轉削籍謂久繫門戶也

丙辰 瑞王惠王桂王同辭諸陵

代世子鼎渭嗣代王封代王妃郭氏支祿如親王初代康王

自新寧王進封禮部以宗藩條例仍支本祿故特給焉
免海州桃源田租十之五徐邳泗臨淮清河宿遷睢寧鹽城
十之三秦虹礪山盱眙五河蒙城贛上靈璧鳳陽興化泰興
十之二並災異議折

宣大總督張樣大同巡撫王點宣大巡按張素養各頌魏忠
賢功請祠於大同從之

督師王之臣言關城東去中前所二十五里東北去鉄場堡
三十里折而南可十餘里則一片石邊口也若兩地再拓屯
以重兵則我有負隅之勢東南至海亦三十餘里有芝麻灣
糧運所泊宜築城與中前鉄場鼎足並峙選山海騎卒各六

千住於三城以回鄉難民實之仍立倉以儲海運歲春秋班
軍約五萬即酌此派築從之

丁巳命兵部尚書邵輔忠護送桂王兵部右侍郎趙紱護送
瑞王兵部侍郎呂純如護送惠王

順天府丞劉志選為南京右僉都御史提督操江正推太僕
少卿王一中削籍以門戶故

右通政呂圖南為通政使陪推光祿寺卿詹爾達罷以門戶
故

宴琉球使臣正議大夫蔡延等禮部左侍郎李康先主之
故貴州總督兵部右侍郎蔡復一贈尚書廢監謚清憲同安

人萬曆乙未進士總督時坐搗巢失利免維候代治軍調餉
不輟卒軍中後按臣言忠勤勞瘁遂得贈卹

己未巡撫寧夏史永安為兵部右侍郎兼右僉都御史總督
陝西三邊軍務榆林兵備左布政胡廷晏為右僉都御史巡
撫陝西大僕少卿牟志夔為右僉都御史提督雁門等關兼
巡撫山西

刑部右侍郎陳九疇為左侍郎鄖陽巡撫李若珪為刑部右
侍郎

廢魏忠賢甥董芳名錦衣衛指揮使

庚申罷御史李懋芳時推陞以黨斥

前給事中郝士膏以程策訕上削籍至是撫按籍贓千三百
金擬贖徒從之

辛酉推寧夏巡撫以太常卿白儲昭太僕少卿張捷並勒免
壬戌右通政王志道為左通政太僕少卿郭存謙為右通政
浙江左布政康新民為光祿寺卿

御史姚應嘉削籍以黨斥
議修隆德殿

工部尚書言南銅鑄訖上以廠臣佐急大善之

癸亥山東左布政梁應澤為右僉都御史撫治鄖陽

甲子戶科都給事中林宗載為太常少卿御史田珍為大理

左寺丞

毛文龍援朝鮮擊建人於義州敗之

叅將王家賓進都督僉事

乙丑吏部文選郎中李夔龍為大常少卿

御史田景新免以辭差被斥

工科給事中陳維新奏工部四司額派料銀八十六萬有奇
今外解自萬曆四十四年至天啟六年共虧一百十三萬九
千七百餘金總由考成不嚴莫若將工部錢糧悉如戶部京
邊例注入考成稽覈逋負類送吏部不准給由陞遷再遲叅
論謹擇其要領禁之一四司不得允支一撫按不得題留一

郡縣不得那借因頌厥臣搜括內庫蠲免外帑所節省二十
萬上以厥臣節省不下幾百萬此云二十萬猶未十之一餘
如議

丙寅辰刺金星順行於危宿

丁卯瑞王常浩言約束隨侍庖人廩人等浮費上褒荅之惠
王常潤桂王常瀛各言節愛上褒荅如前

太僕寺卿洪賡祖言國初馬政甚重事寄不分於邊軍賦不
隸於部自宣德正統間暫紓民力以馬而銀嗣是改折嘉隆
之際老庫積馬價千有餘萬新庫歲額復四十餘萬摺之銀
即馬也馬專給團營銀則給邊費今之虎墩炒化加賞之用

而馬不為邊設也銀亦不為邊餉用也儲備復為種馬之用別衙門不得擅取而今一切以借為例何也萬曆十八年至今戶部三十二借共銀一千二百九十九萬九千八百六十一兩工部十借共銀十八萬七千五百四十兩光祿寺順天府各一借共銀四萬兩近奉藩封另劄萬八千金而問庫四朝之積皆盡矣馬價軍國急需豈得任其積逋以致庫貯匱乏乞勅帑所借稍補百之一外解十之三餘限續完許臣等年終類奏之日叅罰量處下所司

東廠太監魏忠賢請蠲草料命加原贖二級賜金五十綵幣二酒疋及新鈔三千貫仍賜勅

進惠府左右長史陳沃心李建和桂府左右長史蔣友筠沈立義服俸從二王請也先以瑞王請加長史朱明時焉斯作服俸

進魏希堯左都督世襲錦衣指揮使

降人阿引等殺奢寅來歸初總督朱燮元重購降人阿引阿友等佯得罪叛去懸賞捕之住边界久之寅不復疑因得通外間約死士斬其愛將疑阿友拷掠甚毒至及寤其左足終不服釋之寅益不快輒痛飲阿引等乘醉夜刺寅稱官兵至餘賊盡奔焚其屍以首來獻至是燮元移鎮重慶專討水西建議滇兵出雷益遏安效良應援而別出天生橋尋甸以絕

其走蜀兵臨畢節扼其交通之路而別出龍場岩後以奪其險黔兵由普定渡思臘河徑趨邦彥巢而陸廣鴨池搗其虛廣西出泗城分兵策應朕後大軍由遵義鼓行而前會憂去未行

三月戊辰朔前都督杜文煥為總兵鎮守寧夏

前督師王之臣言遼東撫賞諸弊在官商收貨濫惡虛

有弊

冒有弊在委官給散叢實侵欺有弊在監守抵換那移支剩不還希圖乾沒臣自去年八月接管一季額外省一萬九千六百七十八金有奇額內覈還官銀一萬五千八百六十有奇今交代之際必政有專屬督臣關鳴泰撫臣袁崇煥乞皇

上酌定以便歸一命下部

己巳夜有流星見東北如甌大色黃赤尾光炸散燭地自天楛入紫微垣徑少宰入鈎陳尾跡化白雲而沒

庚午以緝獲廕魏忠賢錦衣指揮使世襲賜勅及金幣酒券前川貴總督張我續捐金助工上善之

兵部上毛文龍揭云朝鮮人招東害職，堅守不拔所傷僅千人彼恨甚殺鮮人六萬燒粟百餘萬石移兵攻鮮諭以屬國不支折而入彼則益強亦非吾利傳諭文龍相机應援勿懷夙嫌悞大計

順天府尹李春茂賑飢民訖頌厥臣憂國起瘠上善之

辛未上闕建極殿工

庶吉士姚明恭雷躍龍服除授簡討

南京兵部右侍郎謝啓光免時搜獲私禮

初寧撫袁崇煥請修錦州中左大凌河城漸期進取議春秋班軍戍之兵部酌四萬出關督師王之臣請修山海一路邊牆及中前所鉄場堡芝麻灣城言班軍五萬已派四萬東修錦義止餘萬人不足供役兵部奏劄鎮春秋班軍兵五萬他鎮無有宜聽督撫酌緩急派用從之

直隸巡按御史楊茂春以黃山冊上言黃山介徽寧間延袤二百餘里山西北距太平縣八十餘里細民之業山東南距

歙縣百二十里共計山七十七百餘畝其六養春山三千四百畝前旨變價二十萬自養春之山論也謂多年木植利不下二十萬似概山而論也除養春叁千四百四十六畝入官之山罰其逋稅變贖助工外至原屬百姓容樵採納稅上從之

夜水星逆犯房宿

時江浙湖廣漕艘回滯令泊瓜儀各巡撫糧道募民舡給軍其耗來補贖費至閩蘇松民極言不便未允而郡縣拘民舡不勝其擾漕卒莫厚糶又不利民相譁竟寢初議

壬申宴泰寧諸衛貢使脫孫宇羅等

瑞王惠王桂王之國各賜馬百匹

戶部主事李自儼行人汪邦柱主試雲南刑部主事林魯行人宋鳴梧主試貴州邦柱鳴梧以門戶罷改命行人李昌齡往雲南馬懋才往貴州

薊遼總督閻鳴泰順天巡撫劉詔並言中協最衝莫若喜峰口以其當三衛之貢道也客秋賴廠臣給料頒賞鎮臣陶文稽核河上臺城俱修訖其次董家口修磚城二十三丈橋五洞計役九千餘人願以薊鎮班軍派東西二協者再留二千餘需主兵從之

癸酉兵部覆督師王之臣委任督撫賞言所撫在關內如

滾兔等賞於桃林口柴狗等賞於寬佃峪他卜能等賞於黑峪關長昂等賞於義院口伯桑戶等賞於擦崖子腦毛大等賞於界嶺口綏素等賞於羅文峪胡婦大嬖六部長毛困等賞於潮河川趕兔等賞於大小峪伯牙兒啞拜等賞於喜峰口此因各部近薊故市賞必於薊地在關外如煖兔宰賽等賞於開原鉄嶺反青虎墩兔熬黃台吉抄化拱兔等賞於平鹵堡長安堡廣寧鎮靜堡小反青等賞於義州大康堡拱兔等又賞於錦州大福堡此因各部近遼故市賞必於遼地自河東失而移廣寧辛酉事也非廣寧額賞也廣寧又失而移關門壬戌事也非關門額賞也寧前既復而移寧遠乙丑事

事也并非寧遠額賞也此關內關外撫賞之大較也今督臣
關鳴泰撫臣袁崇煥熟諳北情均堪任使但二鎮遼遠如用
一人恐鞭長不及議今關內關外各轄之以為兩便遂命鳴
泰任關內崇煥任關外分撫責成

豐城侯李永祚議江西南贛吉安仍食淮鹽開珠池採銅鑛
上以銅鑛閉久不許其食鹽下部議已部覆以吉安食淮鹽
從之

甲戌御史陸世科以黨罷考功郎中蘓繼歐削籍以庇楊漣
也

朝鮮王李倧乞回使市硝黃如先年備倭例上念其忠順時

山東巡撫李精白言莒州民王九常家牛生犢如麟以圖上末
頌殿臣上喜之

陝西總督王之采言瑞府膳田請三萬秦地不加拓藩至瑞
府而五勢難取盈今漢中報四十餘頃之外各郡並無餘
如酌派十之一臣當任之餘不能措或鄰省分給衆猶易
命下部議

雲南巡按御史朱泰禎叙平定武尋嵩功三年間百二十三
戰俘三百七十四人斬四千六十餘級兵部請筮日宣捷報
可

乙亥礼部署事左侍郎李康先言親王道經及就國之後宜
謂祖陵三王俱經南京宜謂孝陵瑞王過承天惠王桂王就
國俱宜謂顯陵或念繁費遣官祭告得旨俱遣官祭告

故太僕寺卿李如檜贈工部右侍郎蔭監予祭葬

許中書舍人朱慎荃考選慎荃俸滿乞選頌殿臣內輔得人
師濟在列

丙子瑞王辭奉先殿未刺而雹

削奪吏部郎中徐楠以門戶也

延綏巡撫守制朱童蒙言延鎮去年京運負三十餘萬軍士
告飢乞先半發因頌殿臣助勦力殫綢繆計周遼左宣雲武

備咸修衝邊共倚再請守制命戶部即給餉童蒙奪情料理

談遷曰延鎮靜謐何以奪情也貂寺倒柄不有其君又何

顧私親焉

丁丑進遼東總兵趙率教左都督

浙江巡撫潘汝楨言閩浙比隣突有閩人王清等駕巨舟稱

義兵聯踪越境恐其託橫乞嚴海禁從之

戊寅瑞王之國

談遷曰三國並遣時儀邛未備田租未定丞馬剪桐錫
圭或議逆璫私忌利諸王之我外也是則不欣諸王富於
春秋業啟爵土各君一方又復何待今以哲廟升遐之速

先畀維城過疑逆璫非持平之論也

都人陳文漢吳守義等請立魏忠賢祠許之

戶部覆登萊巡撫李嵩疏言臣部歲發米二十萬石養兵而遼民聽其屯種自養今嵩請加額宜于登州歲買十萬外加買二萬石故時津糧為首運俟抵鮮回空再發登糧必值秋季風飭易沒今於年前改運次年春利涉至民間輸金准本色上納免其以米易錢以錢易銀從之

兵部尚書馮嘉會言登萊巡撫李嵩報朝鮮叛臣韓潤導金師入安州節度使南以吳自焚死餘盡遭謬往援都司王三桂等俱沒平壤不戰而潰金師又攻黃州矣適朝鮮陪臣金

象憲在京呈稱宜及此時速發偏師乘虛搗穴俾首尾牽制狼狽莫救臣計南有登萊東有友島北有款胡須責寧遠撫臣期會並進勿水兵僅援不為搗虛計也遂命遼撫選銳乘虛如部議

談遷曰計不豫定求可以應卒東師瞰我屬國彼獨不為根本慮手虛而襲之路人所明也遼撫果夙戒旦籌引輕騎而東專圖外之役其誰曰不可而文義拘牽受成於本兵稟命于廊廟迨蒙鑒允坐移際會徒繁牒奏邊臣以請事為長才內朝以部覆為稱職餘何問焉其曰責寧遠撫臣期會並進度兵甲幾何芻餉幾何謀議往復動經旬日

徵發蕪程又未知所卜柰何輕言之哉

廣西巡撫曾應瑞言南寧太平粵西內地屏蔽沿邊土司為二郡藩籬萬曆二十五年以前思明府龍州龍憑忠遷等土司頗稱強盛安南祿酋稽首稱順及二十九年思明土官黃承祖沒男黃以雷故懦祿州土酋韋達禮窺犯思明三十年間議增兵於南太設叅將三十一年叛臣陸佑蕩平達札猷獻天啟二年盜韋公札等分路焚劫議裁叅將以總兵移住南太前部院胡應台奏罷總兵復叅將博訪土情僉謂叅戎改而王司率多牽制相時度勢裁叅戎改守備一員統舊兵五百典思明趙燾營守備犄角協力其权不重其勢不孤從

之

己卯礼部左侍郎李康先奏瑞王之國道經襄府不便出會若席殿頃刻供應千金且惠桂二王所經王府不一概免出會報可

通州人衛萬民韓國湖等請立魏忠賢祠賜額懷仁

庚辰宣雲南之捷告郊廟

薊遼總督閣鳴奏順天巡撫劉詔巡按倪文煥梁亨環連章請祠魏忠賢於密雲了髻山賜額崇功

辛巳以滇捷進輔臣黃立極少傅兼太子太傅吏部尚書連極殿大學士廕尚寶司丞賜金六十緡幣四坐蟒衣一施鳳

來張瑞圖李國楷少保兼太子太保戶部尚書武英殿大學士並廢中書舍人賜金五十幣二坐蟒一魏忠賢加恩三等仍賜勅世錦衣指揮使司札太監王體乾等七人加恩二等世錦衣指揮僉事仍金幣兵部尚書馮嘉會進太子太師原廢錦衣指揮僉事加一級世襲雲南巡撫閔洪學進太子太保世錦衣指揮僉事黔國公沐啟元進太子太保並賜金幣文臣邵輔忠傅宗龍等武臣尹啟勛金為貴等土司沙源龍在田等各陞賚有差

談遷曰邊功叙及閣部非制也中葉以後沿為成習於內臣何預身非行間事非遙歷輒膺景風之賞則本兵迎附

所當首論矣

壬午薊遼總督閻鳴泰言薊遼相越僅百餘里遵化兼太平喜峰二路不設一監司非便宜併於薊州道其遵化道可裁從之

癸未宴朵顏諸衛貢使

御史卓邁巡按順天

花馬池副總兵郭威振免寧夏巡撫史永安糾其寇入安定堡失事

禁開霸易涿房山涇水礦洞從內監李永貞言

甲申以緝盜加魏忠賢原廢二級仍賜勅

薊遼總督閻鳴泰言東協哈喇慎一部獨汪燒餅未款二月
五日以二百餘騎屯桃林口外大威各嶺陰圖窺犯分鎮內
臣楊朝介馬而馳率守軍禽其三人汪即叩關願罰楊朝同
道臣張春諭以威德願罰九九立盟質一人為我坐門始還
其三人因頌厥臣赤心報國全算算邊命廢忠賢錦衣指揮
使世襲楊朝世正千戶張春加服俸一級黑雲龍等各進一
級趙朝用等各賚十金總鎮太監劉應坤陶文各廢錦衣正
千戶分鎮太監孫茂霖武俊王蒞朝各廢百戶賚金有差
乙酉惠王梓奉先殿
削奪吏部郎中龔世法因推陞以黨論

鳳陽巡撫郭尚友請釋高墻物故罪宗朝諱等十八人歸故
府給庶人廩從之

丙戌戶部發年例銀寧夏延綏各三萬五金上閱延鎮繁
飢再奏給

薊遼總督閻鳴泰言寧鎮游荒原解遼荳二萬石舊值六錢
三分陸運至關今每石約費一兩五六錢貧民何堪乞如永
鎮例增值并改減折色仍寬限運送天津命下部酌覆

丁亥禮部右侍郎韓日績為南京禮部尚書

太常寺卿姚宗文為右僉都御史巡撫湖廣山西左布政焦
馨為右僉都御史巡撫寧夏

南京兵部右侍郎毛一鷺浙江巡撫潘如楨為南京兵部左
右侍郎

削奪大理寺右寺丞彭鯤化職方郎中劉永祚以邪黨也

初湖廣巡撫李棲鳳言惠桂二府分封荆衛給賜膳田按廢
遼及棗陽王絕產民間淤田共萬頃計畝收租可三萬金分
之西藩各萬五千金狀必有司徵輸民乃樂從若自行徵收
必激亂戶部尚書郭允厚言福府膳田不足二萬僅及潞府
之半則今日西府有福府之半亦不為薄狀皇澤隆長猶存
見少按湖廣廢府有九除湘遼見存搜括景地量撥潞府外
尚有潭谷二府坐長沙鄧梁二府坐安陸岐府坐德安雍府

坐衡州其所遺田雖變置改撥多寡不同然而里胥之隱沒
豪猾之侵占暨各郡藩之私收恐不止一二處也遂命撫按
清理務足二王經費

戊子以緝獲加魏忠賢原廢二級

提督漕運河道太監李明道荐轄漕山東左布政朱國盛命
加銜吏部尚書周應秋疏言殿臣擎天巨手報國赤心輓漕
輸運河伯效靈裕國通糧倉庾漸實進國盛太常寺卿兼山
東按察使仍故任

談遷曰嘗見朱國盛自言平昔不一識魏忠賢竟被黨名
噫荐以內臣何必求識忠賢哉

陝西巡撫張維樞言澄城知縣張斗耀苛徵生變見殺命捕首禍

兵部尚書馮嘉會言金攻朝鮮毛文龍請援豈容擲為孤注除搗巢之師聽寧撫調度今宜南海口覺華島選水兵三千統以健將先就文龍聽相機進止續發天津水兵為後勅登萊亦選三千人出海策應可乘則全旅以擊之否則多方以誤之因舉叅將徐璉游擊宋承燾堪統兵報可

己丑惠王之國

太和山玉虛宮災

薊遼總督關鳴泰順天巡撫劉詒巡按倪文煥巡閱梁夢環

請立魏忠賢祠千昌平通州賜昌平祠曰崇仁通州祠曰章

德

庚寅御史張汝懋為大理右寺丞

魏忠賢所廢錦衣指揮使改授尚寶司丞以疏辭滇功也

辛卯右僉都御史李嵩進三品服俸光祿寺卿岳駿聲為太常寺卿以連雲島原叙也

壬辰管三山太僕寺卿何宗聖請祠魏忠賢於房山賜曰景德

談遷曰光朝附璫倖進有之矣未聞宇以內羣頌而祠也士節不固林於威禍變置黑白恃冰山為磐石之安篋子

曰禮義廉恥國之四維四維不張國乃滅亡天啟之季寢
寢有亡徵焉宜舉朝皆中惴矣

兵部尚書馮加會言東師遠掠東江衝枚疾趨出朝鮮不意
今塘報昌城太守力守又瓶山金兵大敗雖偏王京八十里
然鮮任重兵於河金必不敢渡乘其半渡而擊之所以制其
死命也又報瓊山伏兵截金餉道又速撫奉搗巢之命選銳
作連珠三營滿挂以三千騎住前屯策應又徐璉水兵千人
東往如此夾攻金豈不回師以自顧乎

癸巳諭鴻臚寺今日早朝奏事官聲沉後須朗聽

故福建巡撫右都御史陳子貞贈兵部右侍郎詹監

工部尚書薛鳳翔請搜節慎庫及太常寺光祿寺庫舊銅器
資鑄錢報可

甲午前禮部尚書林克俞卒莆田人己丑進士崇禎初贈少
保謚文簡

乙未賜琉球使臣蔡延等金幣如例

丙申戶部疏陝西總督王之采言瑞王贍田陝省毋執六千
頃之數宜秦任其一四川山西河南分任其二從之

薊鎮邊外虎墩兔以逋負責哈喇慎兵伐之虎墩兔為逃
北長故稱慙是名種漢部與建州隣哈喇慎宣大邊外為揅
屬歲貢故責之實以建州強悍為所併知卜石兔弱移牧于

西卜部竟夜遁陝西邊外揮漢遂從新平口日肆求索
四月丁酉朔上享大廟

許雲南鑄錢勅按察副使孫同倫專理錢法

陝西總督王之采言今春銀定矮木素刺麻賓兔班記諸部
糾土賣火力赤自黑水河突犯副總兵陳洪範官惟賢禦之
斬百八十餘級甘肅巡撫王家禎疏如之

貴州總督張鶴鳴言黔事久罷平定宜速一多餉以壯軍氣
一多將以振軍威一簡兵以責實效一請劍以懾衆心一省
議論以清國是一嚴賞罰以服群心一選監軍以資運籌一
討器械以備衝鋒上遂賜尚方劍餘下部

刑部右侍郎王之采下詔獄

戊戌諭太常寺昨享太廟牲牢惡臭其案員役典簿莊士麟
寺免官

初二部主事呂下問來傳至斂籍吳養春怙威苛暴株累溫
室郡人大譁斧門入下問踰垣棄妻子夜奔二百里至績溪
投空廨中縛伏梁上者累日免官聽勘後削籍遂遣大理寺
右寺正許志吉追黃山水植黃山約周三百六十里其三
六峯峻峭巉岩有二千四百畝產木前估十二萬志吉增二
十五萬五千五百自虐其鄉甚于下問

吳光言齊光裕削籍

以緝事功進魏忠賢子弟人二級

天壽小守備太監孟進寶言盜陵木遺焚命訊把總趙應奎
已亥例轉湖廣按察僉事王會圖復御史

護送瑞王內監張邦詔以舡戶私鹽聞詔責侍郎趙紱疎網
令戴罪護行

太子太師兵部尚書馮加會卒河間人萬曆乙未進士筮仕
冠城徵拜御史至今官贈少師謚忠襄廕中書舍人祭十一
壇諭葬

庚子協理兵部尚書王之臣為兵部尚書

前浙江按察副使吳伯輿入朝誤歸西班牙罷之

議修琉璃河橋

登萊巡撫李嵩言東師伐朝鮮陷義州殺節度使李莞連陷
郭小凌漢山城安州殺節度使南以興防禦使金浚等將吏
數十兵民數萬屠僇亡遺平壤黃州不戰自潰東師已至中
和游騎出入黃鳳之間又分雲從島國王遷于江華告急夫
金之惡鮮以鮮之服我閩寧在前樂浪在後金實有意西向
而忌其尾之也夫鮮以事我費金則我自當擊金以極鮮不
待再計內及款議諭向日款議雖寧鎮別有深心在中朝原
未嘗許今日閩寧別無調度何以明不為狡敵所辱毋為屬
國口寔平下所司閩寧一撫議之

辛丑魏忠賢孫魏撫民廕尚寶司丞撫民本優童善盤舞忠賢畜之乞官願文不願武也

廕大學士黃立極子藻若尚寶司丞施鳳來子時升張瑞國子治夫李國樞弟國棠並中書舍人

喜峰路叅將馬士麟報塞外煖泉窺賊百餘禽四人部目卜喇度悔罪就盟廕廠臣錦衣指揮使仍勅賚總鎮太監劉應坤陶文紀用分鎮孫茂霖武俊王蒞朝楊朝各廕錦衣指揮千百戶賜金幣有差

鎮撫司訊王之案追贖八千金

巡視京營工科給事中虞廷陞言妖僧妙鮮身藏火具云大

同左衛白蓮教郭鸞誘約入都密焚草場下刑部

壬寅叙滇南功雲南巡撫謝存仁加二品服俸前兵科都給事中今山東巡撫李精白加三品服俸各仍巡撫兵科都給事中許可徵進太常少卿餘量陞紀錄

光祿寺丞許鼎臣罷因推陞以門戶斥也

兵科都給事中許可徵言東江危迫毛文龍遣都司毛永顯領千人以救宣州永顯陰約民舡載家屬西逃被旅順叅將張繼善禽獲石城島游擊高萬重倡言鉄山雲從昏夫回席卷島中貨物子女奪凍舡為糧航海竄歸河西又都司馬承勛李鑛鄭繼魁西逃皆徐敷奏倡言搖惑所致也請寘萬重

等於法從之

薊遼總督關鳴泰以巡撫袁崇煥頌厥臣請祠於寧前賜曰
元功

癸卯作信王府

浙江按察副使唐際盛為右叅政

工部主事崔源之作戰舡貳百於海上

總督宣大山西張樸山西巡撫曹爾楨巡按劉弘光疏頌厥
臣請祠于五臺山賜日報功山海太監劉應坤請祠賜曰懋
德

御史安伸奏王文龍東援三戰三捷已困敵于銀杏山向借

款修脩今當出奇摧枯

甲辰命信王居惠王府

左副都御史馮三元致仕進右御都史

兵部尚書王之臣言虎酋棟漢王子與伯言等皆款胡也乃
棟酋與把漢哈喇慎索人馬成隙俄擁兵壓哈喇慎之境諸
部情急求援邊臣來告我兵若助哈酋則棟必肆螫不助則
哈復致怒宜令邊臣選象胥和解即不然我亦有辭於彼但
敵情叵測或聲東擊西文武將吏仍當料理勿謂兩部素啗
我餌自相蚕食莫予毒也上從之
蕃育署民及庶吉士李若琳等頌魏忠賢功賜曰感恩

乙巳松江人薛昌世請祠魏忠賢賜曰德馨

延綏巡撫朱童蒙請移中協副總兵于保寧歸其兵鎮城大營設長樂鎮守備從之

丙午桂王辭奉先殿

丁未護送惠王內監趙秉彜劾交河知縣田首鳳及主簿失候命叅處責呂純如護行不以聞事竣回奏

賜憲府坊曰夾輔親錄書樓曰博文

魏忠賢原廕甥孫董芳名進都督僉事傳之琮進都指揮使

宣府巡撫秦士文請修火燄山邊牆因頌啟臣功上善之

戊申錦衣副千戶王先通稱故新建伯承勳嫡姪應嗣乃螟蛉子先達詐冒屢奉旨訊久停難結命速之

建師萬餘圍錦州總兵趙率教同左輔朱梅力禦之砲擊傷甚衆總兵滿桂與祖大壽馳援

己酉順天尹禱雨

予故總兵左都督柴國柱祭塋

戶部尚書郭允厚言餉軍全賴本色乃運弁折納各糧廳折收異日又折放金錢未可充腹請塞弊源上從之

庚戌召石叵總兵尤世祿寧夏總兵杜文煥前總兵侯世祿俱選銳到關聽遣

辛亥廷試貢士

前南京工部尚書盧大中卒永年人萬曆癸未進士自耀令擢南京兵科給事中至今官賜祭葬

貴州巡撫王緘上黔功下兵部

刑部尚書薛貞履案故保定巡撫程正已賄趙南星開府擬站配不准贖從之

壬子免工部尚書徐大化太僕寺少卿管寶源局葉憲祖屯

田郎中周鳳岐以大化借柴薪銀八萬五千大工銀十九萬

市銅鳳岐謬奉堂 憲祖擅給也

癸丑桂王之國

隆德殿竣廕魏忠賢錦衣衛都指揮使賜金八十幣四益祿三百石

巡撫宣府秦士文再頌厥臣功請祠賜額隆勛

甲寅宣大總督張樸再頌厥臣功請祠賜額德勛

花馬協守改總鎮即以副總兵杜弘域陞任

兵部尚書王之臣以督師復命頌厥臣并叙內鎮臣劉應坤等督撫道將閻鳴泰等上善之

乙卯魏廣微卒南樂人萬曆甲辰進士

談遷曰南樂以介肅允貞之子時議見排挺而走險自墮其家聲不自顧惜終受鉗忌委而去之鄙夫患失徒被污

惡名以死可不戒哉

前吏部尚書李宗延卒汝陽人萬曆丙戌進士黔陽令擢御史忤罷泰昌初徵拜光祿少卿及典銓立糊籤之制贈太子太保廕中書舍人予祭塋

宗室曾鏗斃其妾奪祿三年

東寧伯焦夢熊求給肩輿不許

王之寀卒於獄仍令撫按徵贖

談遷曰王之寀筮仕清苑幾墨敗幸入比部視獄重案張差矯託羽翼而步武八座不難矣夫事之本末易明罪原無逭故肆其說危其言即莽何羅觸琴不啻焉寀陷內監亦

云已甚末遭嚴網身填牢戶或者假手董腐以釋其陰譴也

丙辰馬允昇充總兵督防延寧

太和山內監馮玉頌厥臣功請祠賜額昭德

南京戶部尚書范濟世免

丁巳命廷陞暫攝隰川王府俟拱亭請名後仍歸之

遠東巡撫袁崇煥言關東師十萬掠朝鮮十萬居守何所見而妄揣巢穴之虛乎我縱傾伍搗之止論懸軍不能深入即深入有損于彼而虎首新併抄化意殊叵測都令賽令新通於東而仇於我萬一我兵以東彼騎北出而襲我關寧此時

救人耶抑自救耶無已則水兵先發以趙率教選精騎直逼
三岔如有可圖不妨渡河一試如無隙可抵我兵但列河西
彼或疑而不以全力東向惟此度幾耳下部議兵科給事中
李魯生請招合虎酋東進解朝鮮之困

戊午廕魏忠賢外孫王選劉應坤從子學札俱錦衣指揮使
學札仍都督同知銜

鳳陽武平衛總孫均請祠廡臣於亳州東門賜額旌德
已未登津內監獲謀佟惟奇蓋養性從子也

庚申宣大總督兵部右侍郎張樸為南京戶部尚書正推南
京戶部右侍郎倪斯蕙勒罷

漕運總督內監崔文昇言漕舡事宜午節後截回空以待民
舡燕用江廣舡省民力上是之

辛酉廕內監楊朝從子國臣世襲錦衣正子戶

桃林口太監楊朝頌殿臣功請祠於建昌城東賜額崇德

工部監督兩山郎中曾國楨頌殿臣功請祠于蘆溝橋賜額
隆恩

壬戌右僉都御史許宗禮為左副都御史

削奪天津兵備道叅政楊廷槐以漕運內監李明通糾其久
倚門戶也

天津巡撫黃運泰報遣孫應龍平登雲以千人出海投朝鮮

因言海多盜梗運姑留半兵護漕報可

癸亥以金師功警命杜文煥駐寧遠尤世祿駐錦州侯世祿駐前屯左輔進總兵駐大凌河滿桂仍駐關門節制四鎮及燕遼四路賜尚方劍從劉應坤之請

予外戚陳正誼祭葬

甲子勅趣各京省捐助搜括銀二百十七萬八千四百有奇勅期輸京師

金師解錦州之圍攻寧遠巡撫袁崇煥擊卻之滿桂尤世祿兵至多捷

以緝倭惟奇功廕魏忠賢錦衣指揮使賜金六十幣四羶酒

新鈔賜勅胡良翰苗成各廕錦衣正千戶金捷郭尚礼邊進朝閣成各廕百戶推官周汝昌以如逆下吏部議遣遂安置西邊

乙丑大學士黃立極等擬陞坊局官六人左諭德署國子司業林鈺修撰莊際昌編修朱繼祚並罷編修姜曰廣簡討胡尚英丁進並削籍初監生陸萬齡請祠忠賢鈺堅不批允曰廣以朝鮮使回不歸頌厥臣也

海盜鄭芝龍聚衆數萬舟數百犯中左所飽掠三月去之芝龍南安石井人也流入海島顏振泉黨為盜後振泉死衆推一人為長不能定共禱于天以劍插米中各當劍拜一而劍

躍者天所授也次至芝龍再拜劍躍于地遂為魁

五月丙寅朔耿如祀入贓六千金俟刑

辛未漕運太監李明道奏直隸巡按御史何早悞運削籍

通政司經歷孫如冽請祠廠臣宣武門側賜額茂勳

巡撫延綏朱童蒙請祠廠臣賜額祝恩

王域李嵩為南京戶部右侍郎嵩總督糧儲

大理寺右少卿倫肇修久休門戶削籍

李夔龍為左僉都御史張廷登為右僉都御史巡撫浙江

東謀佟惟奇棄市

巡視中城御史黃憲卿請祠廠臣附於順天

太監劉應坤覈積餉上嘉之蔭魏忠賢錦衣指揮使應坤等
各廢賞有差

乙亥金師大舉趨錦州

丙子給皮島金十萬輸天津之粟五萬

丁丑圍錦州總兵趙率教左輔朱梅合拒之連攻十四日不

下趨寧遠

己卯金師渡河至閭陽驛

距錦州四十里聲言徑往山海

命祖大壽移山海滿桂移前屯趙率教左輔移錦州袁崇煥

移寧遠黑雲龍移一片石

廖故黃陂諸生熊于宣屍于宣脅貞婦龐氏死抵罪時于宣

物故也

癸未張曉為兵部尚書總督宣大軍務孫國禎為右副都御史巡撫登萊

封藩事竣廕魏忠賢錦衣指揮使。江浦世以久依門戶削奪

辛己官軍敗金師于柘浦敵屯塔山

甲申浙直商人翁一元等頌厥臣功曰顯德流芳

武清侯李誠銘頌厥臣賜祠鴻魚山海關太監陶文請祠曰
廣恩

工部尚書崔呈秀奪情視事

丙戌滿桂遣兵攻塔山敵鑿三重濠于錦州城外留兵困之

自領大兵攻寧遠于灰山首山窟窿連山南海結九大營內
臣高起潛欲城守滿桂不可與總兵尤世祿等七教場

丁亥魏撫民為尚寶司少卿

己丑博平侯郭振明請祠賜額德芳

辛卯張翼明為右僉都御史巡撫大同

鎮守宣大山西太監葛九思請祠賜額加敵

壬辰給事中葉有聲以久依門戶削奪

癸巳敵大至諸將擊之殺王子浪蕩寧谷箭傷召力免及固
山四人牛录三十余人敵退東山坡次日發紅夷砲擊東兵
斃八百余人俘八人俄滿桂尤世祿楊加謨各至合戰走之

屯八里山錦州圍解

是月浙西大雨水

乙未金師復圍錦州日以萬騎往來斷其出入夜則舉火擾之

戊戌禮部左侍郎李康先罷謂久繫門戶也

延綏巡撫朱童蒙奏河套之功廢魏忠賢錦衣指揮使

已亥昧爽敵悉衆攻錦州金主營于教場督攻諸將禦之整暇翊日始去是役也祖大壽有子前陷建州人頗疑之至是始信其無他

庚子金師屯小凌河毀城牆

辛丑工部奏邊餉鑄錢廢魏忠賢錦衣指揮使

建師赴大凌河

太監李實請祠殿臣於蘓州許之

延綏巡撫朱童蒙奪情視事

發御前金五萬勞寧遠更卒

商人某等請祠殿臣於臨清許之

癸卯袁崇煥再報捷

湖廣太監李希哲請祠殿臣於承天賜額鴻惠

太監胡良輔奏歲餉六十萬不給許增本折四十萬

山東巡撫李精白請祠殿臣賜額隆禧

庚戌命應天山西巡按逐程跡毛士龍士龍就戍而逸
辛亥袁崇煥又報捷上以一月三捷大悅命侯世祿住山城
堡犄角錦寧

癸丑金師招誘寧遠人書有南朝文武俱婦人止知開口談
兵豈知鋒刃之苦云云我亦書報之

總督漕河太監崔文昇請祠殿臣於淮安賜曰瞻德

太常博士汪始亨以父繫門戶罷

甲寅直隸巡按御史盧承欽請祠殿臣許之

薊遼總督閻鳴泰請祠殿臣曰旌功協理侍郎吳淳夫請祠

曰萃德

丙辰總督漕運黃運泰請祠許之

丁巳巡按山東御史黃憲卿請祠殿臣賜額湛恩

庚申上不豫

壬戌祭崔呈秀母四壇移其一祭父奏內有在天之靈語

癸亥順天巡撫右都御史劉詔巡按御史卓邁請祠殿臣於

涿州賜額弘愛

甲子登萊巡撫李嵩請祠殿臣許之

福建巡撫朱一馮報海寇

陳具慶張士範為翰林侍講

國子司業賀逢聖以父繫東林削籍

總督漕河太監崔文昇巡撫郭尚友巡按宋禎漢何可及巡
監許其孝請祠厥臣於淮安西門

七月乙丑朔寧國公魏良卿攝祭太廟

袁崇煥罷議者以輕遣者僧講款

丁卯賜太子太傅兵部尚書王之臣尚方劍督師薊遼登萊
天津軍務兼巡撫遼東右都御史

侍講陳具慶張士範主試應天

海盜鄭芝龍突犯漳泉銅山官兵敗績

己巳諭禮部上科考官方逢年章允儒熊奮渭李繼貞丁乾
學郝土膏顧錫疇陳子壯及貢士謝錫賢劉正衡艾南英程

祥會孫昌祖等訕上謗改己加懲處茲特申飭不許詆毀

田吉仍太僕寺卿署太常少卿事太僕寺少卿徐揚先削籍
以久係門戶也

宣大總督張樸巡撫張翼明巡按汪裕請祠厥臣賜額一代

崇功

太監劉應坤頌寧錦功廢厥臣錦衣衛指揮世襲賜金八十
癸酉上御門受俘告太廟

庚辰叙寧錦功封魏鵬翼安平伯世襲賜誥券歲祿千一百
石廢太監紀用錦衣衛指揮同知胡明佐正千戶孫茂霖武
俊副千戶楊德玉黃友德孫玉試百戶並世襲孟應祥等試

百戶

下孫如冽於鎮撫司如冽方建媚祠尋多贓斃獄中

姜玉果比匪削籍

宣府巡撫秦士文報捷歸功上公遂廢魏忠賢錦衣指揮使
葛九思千戶張守成李應江百戶並世襲田奉等百戶上公
之稱始此

癸未衡王常泚薨

延綏累捷廢太監涂文輔錦衣衛指揮僉事世襲王之臣進
太子太師廢錦衣指揮僉事霍維華進右都御史廢正千戶
田吉右副都御史許可徵大僕寺卿並仍舊任王之采廢錦

衣指揮僉事史永安朱童蒙並進右都御史廢錦衣指揮僉
事前巡撫張九德加二品服俸楊登基太子少師廢錦衣正
千戶餘陞級有差

賜安平伯田七百頃

庶吉士蔣德璟李若琳江鼎鎮授編修錢受益張維机項煜
丘瑜師雅助楮大初王廷垣授簡討楊汝成因仲儼馮之驥
劉垂宝並係門戶削籍仲儼之驥以出姚希孟門垂宝鐸之
弟李覺斯授禮科給事中

吏部推張雲鶴為刑部郎中以熊廷弼之戚削籍

乙酉進黃立極少師兼太子太師中極殿大學士世廢錦衣

指揮使賜金六十幣四坐蟒衣一施鳳來張瑞圖李國楷兼
太子太傅吏部尚書建極殿大學士並世廕錦衣指揮同知
金五十幣二坐蟒衣一以錦州功
戎政兵部尚書李春燁乞終養從之

護送太監王敏政叅銅陵知縣劉涵清不備夫役命削籍臺
訊

閻鳴泰仍太子太師兵部尚書兼理京營戎政

兵部侍郎霍維華以袁崇煥未叙請移已廕之上怒崇煥
議款不許且責維華市恩

戊子洪瞻祖為右僉都御史撫治鄖陽

八月甲午朔司禮太監梁棟提督蕪杭織造

乙未豈城侯李承祚請厥臣如徐達兩公世爵之例

叙援錦州功太監孫鎮高進忠李進喜馬吉祥減叙馬進忠
王鎮孫朝王永壽曾誠並廕錦衣試百戶魏廣徵加贈一級
王之臣進少傅並廕錦衣指揮僉事馮嘉會贈一級霍維華
進兵部尚書廕正千戶並世襲郭允厚蕪茂相李春燁薛鳳
翔崔呈秀孫杰楊夢袞張曉並太子太保廕監曹爾禎張我
續吳淳夫並右都御史仍舊任許可徵右副都御史仍兵科
都給事中段國璋郭典言並太常少卿李魯生陳維新並太
僕寺卿仍舊任倪文煥太僕寺卿仍御史梁夢環太僕寺卿

劉徽少卿候滿推補田吉右都御史仍舊任廕錦衣副千戶
世襲洪瞻祖右都御史仍舊任馮時行太僕寺卿加關鳴泰
少傅仍協理戎政廕錦衣指揮僉事黃運泰太子太傅廕監
郭尚友右都御史兼戶部右侍郎並仍舊任袁崇煥進右都
御史廕錦衣正千戶世襲滿桂太子太師廕錦衣指揮使趙
率教太子太傅尤世祿左輔並右都督世錦衣正千戶餘陞
賚有差

起太常寺少卿阮大鍼奏政莊祖誥以倪文煥荐也

兵部右侍郎郭鞏助工上以久不至勒免不受助

辛丑叙殿功封魏良棟東安侯世襲府第田祿視肅寧侯又

廕忠賢世錦衣指揮使王體乾梁棟李永貞石元雅王朝輔
郝隱儒趙秉彛涂文輔李實劉應坤王敏政崔文昇並廕錦
衣指揮僉事李承光蕭若霖正千戶劉忠等副千戶吳國泰
等百戶

李誠銘進太子太師

郭守仁為工部侍郎徐應遵杜太盈為光祿寺卿

進寧國公魏良卿太師

簡討楊世芳報使竣以門戶勒免

太監崔文昇請祠殿臣於濟寧賜額表勛

湖廣巡撫右僉都御史姚宗文請祠殿臣于荊襄賜額隆仁

時上已疾陝西巡撫莊祖謙亦請祠賈奏人知事且變遂不
上竟免於黨論

上不豫召輔臣於乾清宮之西暖閣諭以監臣王體乾勤練
厥臣魏忠賢忠誠又召見信王

給東安侯第價二萬七千一百七十金歲祿二千五百石田
千頃

丁未改崔呈秀兵部尚書仍兼左都御史

陝西總督史永安請祠厥臣於固原賜額茂彞

奉聖夫人客氏世廕錦衣衛指揮使客氏為定吳侯二婦年
十八入乳又二載薨居侍上朝夕嘗私魏朝魏忠賢而關上

命歸忠賢供張修麗威行宮掖至是諭兵部曰朕昔在襁褓
氣稟清虛賴客氏事，勞苦保衛恭勤不幸皇妣早崩顧託
鄭重朕起居燥濕飢涼煖飽皆奉聖夫人業，兢，節宣周
慎艱險倍嘗効力十六載及皇考登極匝月遽棄群臣朕以
幼冲並失怙時復賴調劑苦更倍前屢捐已俸助工助軍今
三殿慶成捷音屢奏朕感今懷昔嘉尚良深詩不云乎無德
不報特加恩廕用彰殊異部擬廕弟姪一人上少之命再叙
談遷曰阿保之功盡人而能之即被寵加渥僅行其意可
耳何至溫旨婉篤援及皇妣皇考所引諭大非制也故述
之以見政府之陋

叙三殿功薛鳳翔崔呈秀各少傅世錦衣指揮僉事孫杰楊
夢袞各少保廕中書舍人吳淳夫太子太保工部尚書黃克
績太子太師各廕監白所知范濟世太子太師董可威太子
太傅周應秋郭允厚各太子太師廕監曹思誠太子太保蘇
茂相太子太傅曹爾禎太子太保兵部尚書張曉太子太傅
戶部尚書李春燁少保各廕監霍維華邵輔忠太子太保呂
純如兵部尚書趙紱右都御史劉遵憲太子太保馮嘉會加
贈一級廕監王之臣少師廕錦衣正千戶王之采右都御史
袁可立太子太保閻鳴泰少師協理京營房壯麗太子太傅
廕監許宗礼右都御史李夔龍右副都御史呂圖南張九德

各右都御史李養德太子太傅工部尚書廕監張文郁右都
御史廕監魏良卿廕錦衣指揮僉事李誠銘少保廕錦衣正
千戶郭吳言陳維新各右副都御史楊文岳太僕寺卿仍舊
任楊維垣楊所修郭吳治各右副都御史張維一太常寺卿
段國璋右副都御史潘士聞太僕寺卿王鳴玉叅政何廷樞
王珙張素養各太僕少卿陳王廷倪文煥各太僕寺卿蘇兆
先太常少卿汪裕太僕少卿何可及陳朝輔趙胤昌汪若極
張文熙李應荐李曰馨曾應瑞袁鯨安伸李應公王大年晏
春鳴智鋌各太僕少卿單明翊右都御史廕監朱國盛右都
御史田吉改兵部尚書岳駿聲李春茂各右都御史其餘邢

紹德王時英杜如愨孫際可等馮運泰陳殷湯齊楊維和袁
煢王敬錫范鈗徐伯徵許觀吉魯國禎孫延綱周迪等蕭震
徐四岳等聶慎行向日升李精白李從心王之柱董志稷熊
膏黃儒登林宗戴劉玉安陸侃金高光杜賈兆元沈日彰蔣
一驄白太始等楊齊芳魏持衡等張景張承爵楊餘洪周國
典馬鹿坤王世美王子就邵樹德王續表恩唐常心周承禹
楊振龍原抱奇黃維先朱國誥李祠唐虞際田嘉璧喬觀等
田弘慈王穎吳彥明袁志學等郭希禹等田爾耕等崔應元
等王崇德等吳英儒等葉振春等張凌雲陳大同吳師禹劉
福遠趙應冠等各加級有差

談遷曰昔上疾甚諸人亟於自貴乘龍馭之漸紫玉盈朝
最下亦開九列矣魏氏攬權即萬幾清宴猶手決章奏了
不為忌矧危喘僅一哉雖然鐘鳴漏盡水涸石出諸人縱
貪冒無已獨不思異日能自豎乎又未嘗不嗤其愚也
田爾耕廢錦衣正千戶內外優叙凡六百九十八人右都御
史朱國盛以工部薛鳳翔疏不預又別取中旨也

癸丑楚王華奎請祠殿臣許之

福府承奉徐進請祠殿臣於洛陽賜額垂懿

巡按山西御史李燦然請祠殿臣賜額褒勲

兵部尚書霍維華罷魏忠賢欲加廢客氏封伯維華引疾初

上不豫維華獻仙方靈露飲後進藥罔效忠賢遂志維華維
華心不自安力讓寧錦之廢轉身求去

談遷曰當權閣時外廷柔于統指惟唯諾霍氏略吐其
舌少自發舒劇論權閣之前朕迎合無異也末途見忤一
麾去之非能自立也天日難中知在轉瞬作此經一留為
後地諸人終附霍氏附而賣之誠哉智如轉轂也

乙卯上崩於懋德殿壽二十三上大漸召信王入諭後事親
忠賢有異志私語都督田爾耕唯唯崔呈秀不答詰之曰恐
外有義兵乃意沮初三殿成夜有鳥大如鶴聲如鳥屢鳴殿
上聞者異之

詔曰朕以眇躬仰紹祖宗鴻業七年於茲深惟皇考取法堯
舜之訓兢業不敢怠遑迹者三殿告成光復堂構寇氛
屢挫邊圉漸安方銳意治平與民休息不謂稟賦虛弱自青
宮已然及臨御以來東西多警朝夕在念益用憂勞多思傷
脾遂致綿煨今乃復觸風恙衄血陡發馮几彌留殆不能起
有負先皇顧託之命朕用盡傷若夫死生常理人所不免凡
終弟及之文丕紹倫序即皇帝位勉修今德親賢納規講學
勤政寬惜民生嚴修邊備勿過毀傷內外大小文武諸臣協
心輔佐恪遵典則保固皇圖喪札依舊制以日易月二十七
日釋服毋禁民間音樂嫁娶宗室親郡王藩屏為重不得輒

離封域各處總督鎮巡三司官地方攸繫不許擅去職守各
止於本處朝夕臨哭三日進香差官代行衛所府州縣土官
俱免進香於戲兄弟大倫幸社稷之有主君臣至義期夾輔
以為忠尚休至懷用承末

談遷曰閹尹之禍劇於燹廟并邊徼而二之豈一僻一國
事大壞弊極難持自武宗而後所再見也其好獵樂內娛
諫悅佞無一不同第八駿未馳尚無煩初指之咏湛溺昏
解皇儲並索然武宗權或自出劉瑾前磔錢寧後囚凡百
誅賞不盡指授今燹廟終始於魏氏五朞之間大肆威命
左傳有云政由寧氏祭則寡人追誦此語殆為寒慄在廷

諸臣非無忠謹好跡喧競揚左放逐之後搖手側足舉朝
望塵之不暇庸問天理民彝之事哉二三相國方氏則庸
葉氏則猾顧氏則諂格心砥柱各非其任欲如商文毅之
罷東廠李文正之規逆瑾必不得之數也雖然疵德多矣
朝署若奕功令若燔財用若泥沙原其所自不盡帝之失
也成祖立皇太孫身諭教之朝夕上側遇兵言兵遇農言
農遇象緯文藝言象緯文藝故宣宗敏決如流卓稱令主
神祖則大異矣身絕朝講之席帝生長慈寧宮不聞外事
啟沃輟響日闈寺宮婢之與俱安往而不怡淫也獨陳有
繼請開礦拒之似於神祖為得且諄然于傳位之際成王

之馮玉几何以加焉

